

列

朝

詩

集

列朝詩集

丁集第十六

董尚書其昌 三首

陳徵士繼儒 一十八首

李少卿日華 五首

王侍郎惟儉 一十首

張先輩民表 四首

秦秀才鏞 一十二首

阮徵士漢聞 二十首

尹布政伸 一十九首

陳侍郎邦瞻 五首

鄧僉都漢 二十四首

阮邵武自華 三十首

贈阮尚書大鍼 七首

鄒提學迪光 八首

鄭給事明選 五首

謝布政肇淵 八首

鄧副使原岳 一首

陳紹興勳 八首

贈董養河 七首

陳秀才鳴鶴 九首

康秀才彥登 三首

王布衣毓德 八首

陳汝修 四首

來布政復 一首

文少卿翔鳳 七首

王考功象春 三首

張尚書慎言 五首

馬主事之駿 一十八首

劉尚書榮嗣 十一首

姚叟士舜 四首

沈先輩德符 十六首

王秀才留 八首

附文舍人震亨 四首

董秀才斯張 四首

干太學嘉 十二首

附王廣文彥泓 十五首

潘秀才一桂 九首

張童子千蠶 一首

周隱士如垠 一首

江仲魚等五人 八首

林隱士春秀 一首

徐秀才篤 一首

華秀才淑 四首

徐道士穎 六首

廖秀才孔說 二十七首

紀居士青 一十七首

周秀才楷 四首

傅秀才汝舟 三首

董尚書其昌

其昌字玄宰華亭人萬曆己丑進士選翰林庶吉士授編修出爲湖廣提學副使以太常卿召入歷遷禮部尚書得請而卒玄宰天姿高秀書畫妙天下和易近人不爲崖岸庸夫俗子皆得至其前臨池澹翰揮酒移日最矜慎其畫貴人巨公鄭重請乞者多倩他人應之或點染已就僮奴以贖

筆相易亦欣然爲題署都不計也家多姬侍各具絹素索畫稍有倦色則
謠詠繼之購其真蹟者得之閨房者爲多精賞鑒通禪理蕭閒吐納終日
無一俗語米元章趙子昂一流人也弘光補諡以其風流文物繼跡承旨
得諡文敏是時卹典雜亂無章獨議玄宰之諡庶幾無虛美云

畫家霜景與烟景清亂余未有以易也丁酉冬燕山道上乃始悟

之題詩驛樓云

曉角寒聲散柳堤千林雪色亞枝低行人不到邯鄲道一種烟霜也自述

做李營丘寒山圖布序

余自弱冠好寫元人山水金門多暇夢想家山益習之頗益卿開府遼陽
以兩筆求畫一爲益卿一爲山人王承父余畫承父而返益卿扇簪裾馬
上君子未嘗得余一筆結念泉石薄於宦情頗得畫道之助今年春有朝
貴疏余雅善盤礴致塵天聽余聞之亟令侍者剪吳綃縱廣文許秉燭寫
李成寒山圖經宿而就遂題此詩夫韓滉燕蕭宋復古蘇子瞻皆善畫朝
貴腹中無古今固應不知第以爲罪案但可曰不能遣餘習偶被時人知
如摩詰語耳觀此曹求田問舍殺人媚人一生作惡業者何啻梟鳳而妄

下語乃爾世必有能知者余亦何憾哉

拈筆經營輞口居心知餘習未全除莫將枕漱閒家具又入中山篋裡書

題浯溪讀碑圖

漫郎左氏癖魯國義之鬼千載遠擅場同時恰對壘有唐九廟隨秋烟一片中興石不毀幾回吹律寒名春幾度看碑陳迹新遼鶴歸來認城郭杜鵑聲裡舍君臣折釵黃絹森光怪舊國山河餘氣概當年富貴腹劍多異代風流椽筆在書生何負於國哉元祐之籍何當來子瞻喫飽惠州飯涪翁夜上浯溪臺扶藜掃石溪聲咽不禁技癢選題碣清時有味是無能但漱湘流莫饒舌

陳徵士繼儒

繼儒字仲醇華亭人少爲高才生與董玄宰王辰玉齊名年未三十取儒衣冠焚棄之與徐生益孫結隱于小崑山仲醇爲人重然諾饒智略精心深衷妙得老子陰符之學費東四王公雅重仲醇兩家子弟如雲爭與仲醇爲友惟恐不得常也玄宰久居詞館書畫妙天下推仲醇不去口海內以爲董公所推也咸歸仲醇而仲醇又能延招吳越間窮儒老宿隱約餓

寒者使之尋章摘句族分部居刺取其瑣言僻事曾最成書流傳遠邇歎
啓寡聞者爭購爲枕中之秘於是眉公之名傾動寰宇遠而夷酋土司咸
丐其詞章近而酒樓茶館悉懸其畫像甚至窮鄉小邑鬻糶市鹽販者
胥被以眉公之名無得免焉直指使者行部薦舉無虛牘天子亦聞其
名屢奉詔徵用年八十餘卒于茶山之精舍自爲遺令纖悉畢具歿後降
乩詩句預刻時日貯篋衍中其井井如此仲醇通明俊邁短章小詞皆有
風致智如炙醪用之不窮交游顯貴接引窮約茹吐軒輊具有條理以仲
醇之才器早自摧息時命折除聲華浮動享高名食清福古稱通隱庶幾
近之玄纁物色章滿公車動以康齊白沙爲比謂本朝正史當虛席以待
筆削耳食承譌斯固可爲一笑而一二儒者必欲以經史淵源之學引繩
切墨指摘其空疎而糾正其驕駁亦豈通人之論哉余摘錄其小詩取其
便娟輕俊聊可裝點山林附庸風雅世有評隲仲醇者亦應作如是觀不
徒論其詩也

月下登金山

江平秋萬里山靜月三更彷彿寒烟外瓜州有鴈聲

山中

燕子飛來枕上荷花開到橋西新涼幾番客至永日不住雞啼

題雲山

雨過石生五色雲度山餘數層時有炊烟出樹中多處士高僧

余常過一山隣老而嗜花紅紫暎戶弄孫負日使人不復知有城
居車馬之鬧贈以詩

有箇小扉松下開堂前蔬藥繞畦栽老翁抱孫不抱甕剛欲灌花山雨來

贈無瑕上人

寶劍繡不飛化作長虹影霜月照禪床何如鐵衣冷

鼓琴

老樹槎牙匝澗生彈琴樹底月淒清有時絃到直悲處古戰場中蟋蟀聲

邨居

青艸湖邊白石西花籬茅屋酒帘低來來去去雙黃鳥不到濃陰不肯啼

和令則題畫

山邨雨霽水痕加鴨嘴灘頭燕尾沙新結松柵試新茗好風無力掃藤花

南都

太平風景是京華，白馬黃衫七寶車。寒食鬪雞歸去晚，院門新月印梨花。

讀少陵集

免脫如飛神鶴見，珠沉無底老龍知。少年莫漫輕吟咏，五十方能讀杜詩。

看花紀事

春寒風弱酒旗斜，斜亞字城南八字沙。午後主人猶病酒，隔籬小犬吹桃花。

題畢鉢山圖

畢鉢羅峰迥入霄，不通猿鳥不通樵。橫空獨木如飛棧，半月仙人一換橋。

題壽安寺壁

灌木陰陰殿角斜，寺南一帶好人家。春潮退後西風急，破網無魚挂落花。

山中

空山無伴木無枝，鳥雀啾啾虎豹飢。獨荷長鏡衣短後，五更風雪弄要離。

同印空夜坐憑虛閣

人在鍾聲上，僧栖暮色邊。松枝高士麈，貝葉梵王言。木落如飛鳥，山平疑澹烟。燈殘揮手去，曳杖聽流泉。

同辰王過澹園

解帶入幽叢微涼下井桐誰爲起予者取次得君同雀乳槐花兩魚唼稻
葉風琴尊不覺莫歸路月華東

贈體玄老僧故方壺隱居也

山鏡汲冢書千笈雨甲烟芽菜一筐羨汝半生真可了滿鞋紅葉看斜陽

贈麻衣僧

熟睡孤峰最上臺雪深埋却醉形骸一枝竹杖雖然瘦曾解山中鬪虎來

李少卿日華

日華字君實嘉興人萬曆壬辰進士除九江推官降授西華知縣稍遷南
儀制郎天啓中起尚寶司丞崇禎元年升太僕寺少卿告歸卒君實和易
安雅恬于仕進後先家食二十餘年能書畫善賞鑒一時士大夫風流儒
雅好古博物者祥符王損仲雲間董玄宰爲最君實書畫亞於玄宰博雅
亞于損仲而微兼二公之長落落穆穆韻度類然可謂名士矣君實嘗自
題其畫滕曰白石翁詩沉卓雄快直闖杜陵管壘間奪其兵符俯視一時
作者不堪偏裨位置乃其詩多于所作墨戲林巒樹石花鳥蟲魚間見之

片語挑焰生動躍然石翁澹于取名無意傳其詩而詩與畫皆盛傳是翁之詩以畫壽非以畫掩也此君實托寄之語然其論白石翁之詩亦可謂之具眼矣

題畫

霜落蒹葭水國寒浪花雲影上漁竿畫成未擬將人去茶熟香溫且自看

題便面畫新柳

雪消野水半融泥凍柳森森態未齊昨夜一番春雨好淡黃金色滿湖堤

畫扇

春江初汎葡萄綠鷺自翻飛鷗自浴烟消月落早潮平山影沉沉壓漁屋笑拈此景付詩翁曾向嚴灘五番宿

秋日寫巨然筆意與若休

山光沆綠樹酣黃九月江南欲試霜獨坐灘頭不壘釣蓼花風急送漁榔

長幅蠟紙倣叔明

遠山烟重樹萋萋潮落沙寒水一溪獨坐茅亭無一事晴鳩啼過雨鳩啼

王侍郎惟儉

惟儉字損仲祥符人萬曆乙未進士除

知縣升兵部主事削籍爲民

光宗卽位起光祿寺丞天啓初三遷爲大理少卿以僉都御史出撫山東

入爲工部右侍郎罷歸卒損仲敏而好學通籍六載御批罷官終神宗

之世二十年不起以其間蓋讀經史百家之書修辭汲古於斯世泊如也

好古書畫器物不惜典衣衆息家藏饗養周鼎夔龍夏彝皆一時名寶客

至焚香瀹茗商略經史賞翫古物竟日獻酬無一凡俗語爲人疏通軒豁

口多微詞評噓藝文排擊道學機鋒側出人不能堪亦坐是爲仕路側目

與之游易直無已賜久而不替也與余定交長安過從甚數一日時賢畢

集徵漢書某事具悉本末指其腹軒灑笑曰名下寧有虛士乎聞中何碑

季撰皇朝史書名之曰名山藏損仲見而笑曰古之爲國史者記則記書

則書志則志此何爲者楊君謙得始蘇志見其標目不復開卷擲而還之

豈爲過乎吳中徵士著書流傳傾動海內損仲每指摭紕繆以供談資古

文品外錄誤注王子淵僮約爲臨沂王褒損仲指而笑曰吳人笑楚人指

朱元晦爲東阜好友此不當二悔讀南華第二篇乎余所交學士大夫讀

書通解議論有根據者損仲而外不可多得也損仲詩清婉而近下弱爲

文求歸簡質未脫谿徑意不可一世沾沾自喜嘗以近詩數百篇示余余
爲繩削存什之二三損仲喜持以告人曰知我者虞山也留心宋後三史
苦宋史煩蕪刪定成書吳興潘昭度鈔得副本今損仲家圖籍盡沈于汴
京之水未知吳興鈔本云何也

有所思

端居有所思人碣石北別來已十年時時夢顏色朔風吹海雲白晝成
昏黑黠翰齒如劍麒麟鬪相蝕豈無三月糧寧乏長風翼畏此不敢往撫
膺長太息

歲暮贈新安吳用卿

北風吹雲雲四幕歲盡窮陰苦寂寞忽聞有客來大鄣清姿絕塵立野鶴
大鄣山客性航古開緘發篋光煜燦夏王九牧鑄黃金大澤深山遠不若
子闕鴈肪截昆吾饜文如髮雙龍攫豐隆煽火天公下紫烟飛盡粉骨薄
錦繡細展墨花翻河東二柳燉煌索會稽內史十五字崩崖斷石壓祕閣
老夫亦出漢螭鈎海虬盤觚綠玉削方鼎癸父隱亞文滿堂賓客起錯愕
篋中寶物朽欲死誰從柯亭裁新籥嗚呼此事真未易共君且傾銀鑿落

集岩亭王孫東墅

小妓宮羅窄名花綺幕張晴絲牽酒盞飛絮戀筆床改席臨階碧登臺望
野蒼芙蓉處處是乞取緝秋裳

過張懋甫東莊

沙暖東郊路春風忍病行藪牀勞弟子種柳隱先生龍鶴能傳客池鱗旋
斫羹喧喧四坐起吾自別含情

送霍臨源少府守河州

不盡湟中路秋風促宦程佩刀辭佐郡分虎已專城積石攢雲起洮河近
郭明羌戎亦赤子休使塞烟驚

秋日過陳見心給諫南園

徘徊臺上望秋色已蒼蒼孤戍還吹月千林乍啗霜傍城成虎落截水作
魚梁咫尺吾園接相期瑤艸芳

正月三十日作三首 萬曆庚申

買得先秦鏡發函還作悲可憐清似水其奈素如絲麟閣應無分維林浪
有詩嵩山饒石室藏副與相期

曉起更何事披松傲畫圖開籠調語鳥排石漱新清越甲鳴方急燕西調
不數山中差足慰江左有夷吾

近說阮生病將無雞骨妙貧家移二室奇字檢三倉相別已經歲得詩凡
幾囊報君張武仲革履學胡裝

喜邊生獄將釋

白日還垂照園扉始被恩西河休築館東岱已歸魂無復鬢毛舊祇應皮
骨存感時心寸折逢客淚雙痕冤訝秦城重獄看漢吏尊江淹書欲上杜
篤誅何論往哲猶聞累餘生忽見原秋風解網後洒涕敘涼溫

張舉人民表

民表字林宗中牟人官保孟男之子也萬曆辛卯舉於鄉十上不第年七
十有三死於水林宗性嗜古文詞藏書數萬卷手自點定喜飲及州書飲
少許卽頽然揮灑放筆謂有神助好施予喜結客家遂中落有廬舍在夷
門內五十年不一葺賓朋滿座意豁如也早歲歸心竺乾爲普門弟子中
牟與嵩山無言心月諸堂頭相扣擊雖涉婚嫁燕處超然其任俠好客則
老而彌甚時時往中牟蕩舟於郭外之南陂客至卽拉與俱無日無客無

容不醉頂高冠飄二帶帶上繡東坡半升僅漉淵明酒三寸纔容子夏冠
之句乘敗車無頂慢一老特牽之朗吟車中每日醉陂頭老杏下門人子
弟扶掖而歸元傲自放世莫測其淺深也崇禎壬午寇圍大梁林宗勸當
事密檄左寧南趨大梁背北城而陳通黃河一線以爲餉道又當令陳永
福兵列城外勿聽人入則城中餉竭勢且民與兵俱盡皆不聽寇暫却或
諷之曰盍去諸林宗曰死則死耳奈何去以爲民望乎圍城五閱月日夜
乘石拮据行間汴人倚之皆守死不去水灌城背負其先人神主抱詩文
藁三尺許登木筏隣竝求登筏者益衆林宗不忍却移筏就之筏且沈乃
移筏登屋屋上人垂繩相接林宗耄且乏食數上下者久之水大至而沒
次于允隼及門生文大士皆從焉長子允集泗水至西城請救父罵賊而
死幼子允集憑浮木依老僕婦栖屋上垂兩日夜老婦餓欲噉之急附浮
木順流下得渡舟以免林宗之門人周元亮行求得之撫諸其家而林宗
之遺骸故汴撫高平仲斂而葬之柳園林宗與祥符王損仲尉氏阮太沖
汝南秦京相友善余之交于林宗以損仲也宗尉西亭多藏書余屬林宗
購其書目天啓中余以奄禍里居客從大梁來林宗繕寫間關萬余酒聞

片語皎如信誓林宗之生平可知矣元亮刻林宗遺集附著其行事余撮而錄之

陳古白

文傳江左秀情見宋中書隔西雲千嶂愁心髮一梳良圖襄野牧活計顯濱漁倘欲枉相訪稽康侯呂車

汪明生

燕市住西巷重來續一談煎茶移竹火煮麩漬魚泔日月顛毛記風霜足
廟語傳聞東郡旱何以慰如椽

松江

竹護人家江繞城稻苗麥穗夏初成涼舟蕩過朱欄曲唼浪吹他絳縠輕
積樹細開山濾色濃雲驟破水交明長流見底清人膽澗處風多快意行
同獻孺過損仲寶耽齋得耽字

二毛森向鏡中明猶逢場作戲行已乞彼姝欣躡白更煩吾友爲籌清
燈燒菡萏膏烟結餅沸笙簧水火爭顏玉詎須印竹杖傾銀不及定瓷甃

秦秀才鎬

編字京汝南人爲諸生家貧讀古人書力耕以養父母久之棄制科之業
刻意爲詩奚囊布袍歷覽名勝嘗訪余于虞山曰吾游不獨好山水以求
友也吾於天中友王損仲張林宗阮太冲今訪于子吳訪袁小修于楚訪
曹能始于闕歸而息影南陔終身不復出矣南陔者京顧養卜築之地也
有頭責齋詩小修爲序小修曰今人皆兩字字而京字獨一字自東漢以
下無之矣亦一異也

送熊思誠司理之比部二首

時運欣大造動植悲秋霜自公蒞中土日令專春陽噬嗑垂易訓明罰遵
三章江湖日流血不足非殺傷所餘已腐敗密網誰堪張跳梁自意外君
子安其常平反廣孝思千載揚休光

驅車臨上蔡侵晨出北門歷服肇今日渙漫新皇恩圖物每易貢山鏐非
所珍嗟彼戚宦裔震電相依因龍蛇苦幽繫狐狸啼城闌流星不離昂咄
咄愁誰伸茲行會驚動解脫今其辰

時馮觀察何司理坐轎事繁獄中

雪後

悲風號曠野漠漠獨行時遠霧捲邨亂殘冰界路疑馬蹄僵繫落鴈羽澀

差池得就鄰翁飲深杯定不辭

得顧朗生還金陵信

憶別如今日風雷歲五除亂雲長短夢斷鴈有無青江暖漁楊子原荒鼠
孟諸相看衣帶臨獨立野躊躇

虞山過錢介有贈

閒庭貯日煦如春到眼禽魚亦自親蕉葉滿牕詩一卷菊花半壁酒千巡
交前名熟看疑夢醉後情生語較真但過無愁供給少知君不解道家貧
守歲泮寺阮太沖張林宗夜過其賦

層城烟霧通天斜久客相依自一家貧向危途輕歲事愁從衰髮改春華
相將遲暮攻椒頌各寫辛酸累燭花回首舊京絃管地霜林遮莫起棲鴉
李元鎮泮縣署中

君志北上我志還冷日奄奄白馬間吏散只如爲客樂牘銷翻比在家閒
三杯苦茗中冷水一卷新詩大坯山殘雪滿檐冰半砌恐能相對不開顏
哭李大元鎮二首

不忍重過舊竹扉寒花滿眼淚雙揮只疑被酒醒難起却似遊燕宦未歸

落月儀容猶彷彿。迴風笑語尚依稀。如何甫及經年別。酒社詩壇事事違。
不能十日不相聞。兄弟相看詎可分。此後恐無能好我。從前雖有不和君。
尊前吐膽銷爲雪。石上題詩化作雲。地下憐才應更少。如逢舊好莫論文。

冬夜見新月

霜天約略一鈎斜。半挂平蕪半遠沙。照向兩鄉偏是缺。不知圓處落誰家。
崇藩邸中蓮花盛開感而有作二首

蘭橈迴合晚風過。越女亭亭立素波。蓮子生來悲較晚。露珠荷葉淚爭多。
風回靜品露含姿。捧出金璫供佛時。記得去年開社帶。內家爭唱合歡詞。

阮敬士漢間

漢聞字太冲。瀾人家於京師。積學嗜奇。留心當世之務。落落無所遇。與西
亭王孫交好。遂依西亭居。汴西亭沒。以尉氏阮舊土也。遂徙家焉。太冲博
覽墳素。篤志古業。天中之士。翕然師之。四方造門者。戶屢恒滿。家貧親剪
韭以供客。閒出游山水。門弟子爭肩簞輿以從。賦詩論道。斷斷如也。上有
詔徵遺逸。卒不起。太冲習兵家之學。上窮握機。下通鳥卜。著尉繚子解詁。
或隱。景諸集。萬曆甲午。我師敗績於碧蹄。太冲年二十餘。跣注渡遼北。甲

黃龍東馳鳴緣從退弁老卒牧園
人訪問全遼利病倭虜情狀慨然有
請纓鳴劍之志會東事解嚴挾筴而返崇禎末流寇黜華維太沖料賊形
勢川谷阨塞圖其略上當事刈寇以下計病臥據床猶畫地指陳方略寇
掠尉氏必欲生致太沖太沖諠不忍舍城去寇猝至諸弟子強輿負太沖
走爲賊所得大罵而死年七十餘門人張昌祚抱其遺集辟寇南下盜發
其篋昌祚涕泣固請乃得免浚儀周亮爲之敘刻於廣陵

渝關望海樓

海綿築海底波面沒樓址海若不敢噴龍宮定應徙遠磴復藏兵高覺疑
役鬼潮回遠嶼青日簌驚濤紫方壺幾問津扶桑歸決背木賦難具陳吾
筆敢輕泚三酌咸將軍整暇乃能爾物力寬薊燕戎心熱旌壘征虜時投
壺鮮卑可折筮醪續奉鷹揚鳧藻歌燕喜鈴韜逐鞞居頭屑寓深旨捉露
至今茲傳舍而已矣三數十年同瀟然雨天水

秋閨

狼胥未易封
瘋思不可道
秋閨刀尺聲
催白邊城草

示弟

何人非集木與子愧伊蒿一病鑿薨足三年負嶰螯餓窮天漠漠贈老日
滔滔炊日疑妖夢尸變切遠切望深戩字咄呼甚漢庭暴閭首催星櫛瘴
肌問雪駢簸風林衆怒野松眼層韜免覺迷離苦鷹甘搏擊勞饕餮驕逆
於裘毳快諸豪帆駛知河近烟稠送郭置槍頭椿已謝入耳鴈同啓帖父
嗟誰咄緬人信所遭磬懸餘眼濶筆腐只衣爽亮節緇相涅危言醒亦酤
不禁山蒼蔚欲臥谷裨滋艸猶枯藥憐茶且讀驗預辭羅星雉冷看木
升孫後彥多分壘斯文有建馨神仙供竊吻星緯錯繆毫便咽於陵李釣
天侑太牢

荅頤雜詩 起癸酉秋杪 選尉氏送內子嘉平得五言律一百首今
錄五首

序曰蓬池廓似斗闔如圭賊近升陴賊遠癡坐春鉏在胸石闕在口平生
支酒譙笑之歡一切謝絕不獲已返居道南大小蝦蛆教慎出入懸狙假
虎不可嚮邇吾蓬池之濟雖僂而愿三數年來所爲嚙啣嚙嚙亦復如是
兵燹所開告成何底感今懷往徬憤同嗟聊託五字已耳
序進排雲陣聲嚴警夜更竟如師以律何有弋能驚兵氣寒飛走人烟卜

死生裁書思寄遠知爾急南征

海水欲晝立潢濤仍夜傾勢搖天地坼聲颯鬼神行屋漏疑茅舞燈孤與
電爭須知箕畢好不在整俱盈

松花江外虜闌入反從西亦有居庸隘難封函谷泥維垣今獨石探甲鶴
三犁秘寢龍蟠地炎風送遠鞞

久怙身隱矣誰問玉沽諸日馭窮殘炤雲裝憚晚舒黯凝疑及半薪火幸
留餘天亦但公類揀人似賦芋

陶令讀山海莊生適鷓鴣遐心開曠囑循分謝修能鼠穴無窺鬪龍門亦
罷登可知環堵內形影是真朋

甲戌冬懷二首

何處三江挂席開長疑九坂接天迥望窮渤海來何暮怒入秦庭哭未哀
籌樾轉深嶠虎橫烟霜剛趁野鷹來登高怕看霄垠赤池已蟠魚路燼荻
雙九兩戒烟山河風鶴蚩蚩未盡訛南犯松區江介近西來萍戶賊中多
綠林妄意天遺種白皤虛聞歲減科兵氣滿天無遊鴈衝陽前岁已群慝

通儘七言絕句一百首錄十首

子曰丁丑陽月中寒病劇淹五旬乃起先是偵賊從東方來莫測所向南
則尉氏受之卽北抵會城唇齒何利狂狃突來漏舟多故守卒一千餘人
後不聊生難民數萬餘戶朝不謀夕時出關時登堞少間則強陽燥益展
轉床蓐感今憶往或居平談討所及各賦一絕積至百章題曰通愴則草
玄先生語也注猶憤余自讀之亦覺騷意筑聲淒然在耳謂我心憂其望
之知已者乎

雄兵隨地置嚴關便作長蛇斷往還自合秦川遮四窺雲屯先據維西山
殺人如艸絕炊烟哨馬公然驟邑孺共說扶亭登秦後甯樓溝血盡聞天
邊隅屬國剽高驪鳴綠東西入建夷萬曆年中援海日董山遺孽一羈雌
九天爲正舊勞臣鐵嶺江陵被濯新千古幾多功罪事重輕疑處剗須真
險峻無如御寨寬腥風時送虎踪寒枯禪三篲愁封磴縱有樵人隔歲看
寨南更有三皇頂一線蝸涎壁立關縱使移家先占却也應化作首陽山
三川無麥卽無年愁見黃埃慕紫烟一笑天公兩無奈雪深河北柏水堅
河北慮雪而冰賊可北渡

望雪年年似撒珠令雖小晚亦勺鋪且須七尺封山路人馬同饑艸稗枯

賊每冬穴雒西山中

莫向三峰問算場五雲茫瑒撲天長十餘年禍天應悔前見狼星角距辰
七袞明年八袞開從今不受白駒催閒攜二草題嵩院補却劉家數十迴
劉伯壽事

尹布政伸

伸字子求宜賓人萬曆戊戌進士授承天府推官以南兵部郎出知西安
府以副使提學陝西以參政備兵蘇松公廉強直不阿權貴凡三任皆投
劾去再起貴州威清道是時水西寇猖獗貴陽之圍方解黔無王三善輕
兵深入子求力勸以持重弗聽三善中伏死子求突圍得出及萬宗龍按
黔輯銳自用不信子求言徵召正人陳其愚等黔事幾大壞子求在行間
三年身經十餘戰有功不敘竟鐫秩以去以才望起河南左布政蒞任甫
三月以失禦流賊解官崇禎甲戌買舟下瞿塘抵金陵游吳中浙西與余
輩飲酒賦詩留連不忍去將別執酒言曰生平山水友朋之樂盡此行矣
餘生暮齒誓欲買舟南下更尋吳越之游所食此言者有如江水歸蜀後
再三附書諄諄理前約亂後訊之蜀人則云獻賊破敘執子求至成都欲

官之嚮齒大罵被殺嗚呼子永之死信矣子求忠於君信於友才兼數器
謀略獨躡事歷歷如指掌性直如絃有觸必發所至與長吏迕以孤峭見
積與人交有終始分張訣別死生收卹婉周詳皆出人意表劉太僕時
俊同氣契合以監軍坐道賊被悉獄急不知所爲子求家居投匭抗疏
明其必不然時俊得免死慷慨持大義皆此類也讀書汲古精于鑒賞日
課楷書五百字寒暑不輟其老而好學如此子長庚字西有卓犖有父風
以徵辟爲縣令左官起補客死廣陵長庚有經世才視天下事數著可了
其亡也天下皆惜之

春署

三日癖深居案頭塵一斛簷溜如許長積雪銷春旭眼厭短衣囚庭餘半
死木未知桃與杏何處較紅綠數年多快遊冥罰就羈束小食神仙字聊
以砭凡俗

三月六日偶作

江氣乖春候朝寒忽送雨烟中滴瀝聲喇喇黃頭語桃花何曾證淫綠浩
無主游行無稔心案牘不可吐骨肉日以遐況與魑魅伍未必蟲爲鳥已

覺杯有弩泛泛波濤間憂勞何所取

牛口發舟泊真溪聊述所歷

江行每娛心十七在崖岸以茲取泝流耳目精於慢一嶺方百里削成獨
南面霏雨夏來多懸淙不可斷短者能數疊長及行人胥巖樹紛灑濯聲
光無暮且陡然絕壁間雕刻窮炳煥千佛盡一身慈容嚴分放經行非靜
者竝作如是觀怒波迫其趾得失爭一線積竹百許尋挽者身如彈踏蹙
亦有時偃臥無妨晏所欣新月來累歷華林換悠悠無可同琴書有餘玩

山居雜詠

下宅蓋北阜南見龍陀峯常疑萬壑雨聲在幾株松一磴斜其下杳與香
城通青苔蝕屨痕往還僧若農欲知朝暮心賴得數聲鐘

病後田園雜詠二首

荒俗無筆畊仁義買寒饑論薄田舍英雄亦我賦糞車却走馬堯舜在
一犁附郭多膏腴甲族所必規百里就境塙豈徒峰竒智力所不到其
途乃坦夷農情自積習薄取給冬炊百竈博一間乘除敢自私人生活滿意
難尚恐過其涯

山居廢墻垣始成廊一曲其外數折瀑尚待春泉綠水邊忘蕪穢花石當
露苗蘭蕙此易求益益生機促植聞宜女手根喜傍修竹精思在一藩雞
徒豈勝逐匪獨愛其生潔性不可黷幽芬被徑開朱欄亦不俗

與王志機飲觀音閣時忘機將訪友楚中

三日不對客五日不登山襟書縱過千餘卷眉穎心靈了不關莫嫌飲啗
一痕石百頃澄光嬌軟碧雨天曠曠七點峰烟香翠滴寒樓春如澗之酒
力不輕談鋒憂憂當堅城未知鹿角中宵折已覺鴻毛萬事輕君向雞群
尋野鶴余亦人中稱寂寞逢君如斯恨其晚出峽恐君亦思返

鳳嶺歌

風獵獵兮雲鱗鱗秦山萬疊銀海青輕車超忽三十里峰迴谷轉成字形
野花飄香薄烟生鳳皇無聲山鳥鳴吁嗟西方美人長冥冥流塵萬古感
陽樹蒼艸裁知西伯墓髻年誤解朝陽詩畢生困頓歧周路

遺累

入口裁餘半今年能幾時都從輕易別催取鬢邊絲狸臥歸人榻鳥爭月
樹枝徒將留滯意謬與白雲期

送黃霞潭推官病免還浙

共欲謀歸去君能先我行始知官秩薄便是世緣輕憶繪飛青翰觀霞到赤城同舟猶苦海回首定傷情

出黔途次漫興二首

日日思歸去今成如此歸貪趨王儉府愧息丈人機用舍從時論馳駘與願違生還差可喜風日駛駿駢

山郭三十里雲峰便不同山樓紅葉裡晚磬碧溪東雞黍酬郵味兵農存古風太平行可卜大吏欲和戎

哭劉元誠司馬二首

諱之綸

解憤非凡韻由來氣作忠事應危暴虎君自快當熊一戰中華體千秋國士風傷心傳罵賊纔與古人同
任讓俱無當精誠亦竟違崩城兼哭世嚙指憶縫衣流矢何堪復瞿塘漲木歸人心多不死惟蓋冀恩暉

低里

數椽敗屋幾車書林下生涯亦有餘爲愛流光貪取靜小成胡事莫教虛

輕鯨出水堪垂釣，啼鳥催耕或過廬。偶接農談欣卜歲，漸捐車服近犁鉤。

小覺

秋蟲唧唧夜初長，斗帳猶疑燈燭光。二豎苦爭閒日月，百年誰共好林塘。
松濤挾雨瓦聲冷，瓶水儲花幽夢香。此際關心竟何事，五經全未入巾箱。

別李莘籍余獻甫

南行碌碌頗違心，博勢無休便陸沉。名義有權堪自解，炎荒緣分不從今。
遊情賴得同瓢笠，闊思憑他怨藁砧。君輩果期歸計早，數行白簡望知音。

西樓

千峰寒淡照冬曦，信美徒傷楚客詞。柏上素禽富韻友，橘梢蒼鼠勝偷兒。
鶉衣負汲朝衙後，鳩語凌檐待雪時。一事關心行馬外，環城流水綠楊絲。

拂水莊贈錢受之宗伯

虞山如娥眉，斜勢分城郭。其下爲澄湖，光翠相磅礴。是宜有園林，收之以
樓閣。湖山真性情，秋候饒領略。於時凍雨過長廊，奔細擊虎鼎，結層陰紅
蕩芳未落。以公泉石心，有時還下鑰。五載苦經營，爲余數日作天下。紛兵
戈朝廷需管樂，安石恐不免。未易親林薄，安得閒如我。長此伴松鶴。

合簪風塵途漸迤原野氣猶熾輦轂憂胡越深宮歎釜鷲迷津憐弱喪回策庶西瞻瘴海愁空說鄉園淚暗沾思君遙送目烟雨晦巴黔

新第落成漫賦二首

鍛鑪依柳下瓢杓樹林中水爲滌池黑泉因洗藥紅詩留招隱士箋就與天公咄咄終何事將尋植杖翁
晨光發櫓涼雨氣入亭澄病似懷春女閒疑結夏僧玉壺聽鳥勸鬆几隔花凭晚節如將免須求太樂丞

芙蓉閣

上路風烟抵狹斜依然城郭舊人家平臨粉堞真如帶遙望丹樓却是霞
雙瀑因風飄素練清川寫照入菱花愁看西北浮雲外謾復牽開閱歲華
甯居二首

敬通歸里日彭澤去官辰酒熟邀田父花時對孺人素琴橫竹几藜杖挂
山中在世無明略猶堪傳隱淪

喜雨推隄早憎寒困酒初兒方學跳虎客有饋生魚旁舍聞隣織移床看
婦梳頽然解衣臥栩栩復何如

漫興二首

夜色人初定，花香牖暗通。
蒲團清課後，綉扇艷歌中。
掩卷思寒素，挑燈看女紅。
癡兒不解事，頭困觸屏風。
花縣常三仕，臺烏偶一枝。
不能執虎子，須效牧羊兒。
蘭摧終異艾，豆落僅存萁。
共說長沙傳，生當盛漢時。

田家樂二首

烟火高原合，雞豚小市通。
夜行防虎阱，寒至祭牛宮。
捕雀遵桑翳，澆麻引竹筒。
今年倍收秫，不怕甕頭空。
挾彈驅田鼠，持竿放野豚。
但令倉有粟，寧使婦無禪。
賣藥曾過市，催租少到門。
不知今去漢，歷代幾兒孫。

山中樂二首

隱几虛堂樹蔭移，家人喜愠不令窺。
尋常甘脆支旬日，單複衣裳逐四時。
比舍讀書兒竊聽，中園載酒婦常隨。
人生行樂空何待，五十頭顱足可知。
生長明時值中興，退耕三歲屬三登。
喜聞滌帛高年賜，不就公車有道徵。
獨坐板床如向詔，長居士室似袁閔。
巾屝子關何物問，里浮沈媿未能。

寄鬱儀宗侯

自向朱門啓薜蘿，白雲叢桂倚婆娑。親裁同姓諸王表，家習中山孺子歌。
腹有三壬寧論貴，胸藏二酉不言多。生兒且喜稱隆準，勝帶皆鳴九子珂。

寄王曰常

葦箔懸門覆綠蘿，起看庭樹笑婆娑。君房酒境愁中遠，玄晏書淫病後多。
有女蕙芳初畫的，侍兒桃葉本能歌。近知荒歲人烟少，一飯比隣不妄過。

寄何无咎二首

風濤潮汐未應虛，腹字那無徑寸魚。海上老兵韋袴褶，山中隱士竹翹書。
品泉石磴迎涼早，丸藥春林醜露初。婚嫁不關兒女累，却煩羔鴈到庭除。
時有子得雋

四壁圖書自覺尊，不從人俗競朝昏。荒庭尚隱玄微子，素業應傳洛誦孫。
農鷹勸春同布穀，壺人爭且有清猿。似聞椎髻能借隱，操作常穿犢鼻褌。

寄王光祿

荷巾蕙帶日，倘伴猶憶先朝尚。食忙萬石家，風承內史一門叔。父有中郎
歌，徵桃葉雙鬟，鬢酒布蘭生。百末香重恐于旄，煩守相扶筇多在果園坊。

寄米君夢二首

山色連墻竹映檐，
西渡復東曉。移家僅有三隅竈，
貸客曾無一尺鎌。
衰向小兒方舐犢，
病從中婦賦鳴鶉。
知君恤緯多深念，
感激時時奮老髯。
齋居清課不勝書，
適性從教請託疎。
未識餘生幾兩屐，
且乘中佃一轅車。
披衣艾納香銷後，
隱几蓮花漏下初。
自覺胸中無宿物，
白雲朝暮卷還舒。

奉寄華山王

別館春雲宛宛舒，
華山國裡似華胥。
銅丸解擲漁陽慘，
竹簡時探宛委書。
論定千秋知敬禮，
時危百一感應璩。
西園飛蓋無虛日，
文學誰堪載後車。
奉陪中丞蘇公遊招寶山同作次壁間韵二首

突兀如臨碣石傍，
天青島嶼辨微茫。
于年陰火疑潛熨，
三足陽烏本內翔。
魏闕遙瞻天北極，
戈船爭指日南王。
臣心似水朝宗速，
一任沮如變作桑。
危峰並擢四無傍，
日月東西際沆茫。
樹羽孤城當畫靜，
樓船三翼儼雲翔。
直教河水羞稱伯，
空笑山城僭號王。
東望三韓猶咫尺，
彎弓直擬掛扶桑。

阮邵武自華

自華字堅之，
懷寧人。
萬曆戊戌進士，
除福州府推官。
大計坐謫，
累遷至戶

陳侍郎邦瞻

邦瞻字德遠高安人萬曆戊戌進士除南評事轉兵吏二部歷浙江福建河南參政按布兩使以右副都御史巡撫廣西以兵部右侍郎總督兩廣入爲工部兵部侍郎改吏部左侍郎德遠留心問學於經史之學殊有原本擬宋元史紀事本末爲史家所稱搜訪高楊張徐之集刻而傳之使淫哇靡曼之後復聞正始之音其風尚可思也

湖鴈篇

秋山落葉秋聲瑟遠水浮天天一色日暮惟見平湖深扁舟遙界天光瑤此時南鴈正爲群此際悲鳴斷續聞幾處淒酸叫涼月數聲嘹唳破寒雲雲破天清月浸沙無端哀咽向蘆花早梅暗落高樓笛楊柳驚飛出塞笳幽修似伴魚龍語更共啼鳥催曉曙思婦天涯夢不成征人故國淚如雨曾說聽猿易斷腸那知開鴈重悲傷九秋霜露寒更苦千里關山夜獨長塞北江南天浩浩斜飛欲盡衝陽道足下何曾寄客書聲中只解催人老人生真憂是別離他鄉霜月易成悲誰家錦幌銀屏夜過盡寒聲獨未知

江南樂四首

清明乍出遊風日不曾惡何似桃花飛道是羞儂落
桃花亦太早妾顏亦太好早殺不耐春好殺不耐老
門前潮水來朝來暮還落動作經年行始悟歡心薄
鷓鴣南枝鳥愁隨北鴈去儂家是江南但愛江南住

鄧愈都漢

漢字遠游新城人萬曆戊戌進士除浦江知縣調秀水召爲河南道御史
巡按雲南出爲山東副使歷參政按察使以僉都御史巡撫順天天啓乙
丑爲逆奄所惡遣戍貴州崇禎初赦還未及用而卒有留夷館南中紅泉
諸集其自序謂十歲喜誦唐人詩年十五始學詩生長寒素衣食多累三
十成進士州縣爲勞徵拜御史需次邸舍朝請多暇謝絕人徒悉取毛詩
楚騷下逮三唐細閱而深思之神明默識霍然悟汗乃知我明諸公之學
古大都在形骸之外去之所以更遠王李旣廢流派各別狂瞽奔逐齊繫
有徒李豐吳稼詞林老宿見楚人而大悅盡棄其學而學焉予厲聲訶
禁乃止李當王李末流楚人崛起之會欲箴砭兩家之病而集其所長
其志則大矣旋觀其詩體貌豐緝音節繁會長篇極意鋪陳而持擇未得

其領要令體取材尖巧而劍搜未脫其皮毛可與掉鞅時流或未能方軌
先正也

行部 迤東輶中雜述二首

楚楚山下茨移種託庭隅色澤紛躡蔓綠陰互相逾秋蟲鳴其根黃雀欣
所居勢盛易侵鞅蘭葉日夜枯我行適見之拔劍及其蕪抽棘動傷手流
血忍至膚強爭造化權傍人嗤我思東陵有佚盜西山餘餓夫獨秀靡不
摧百足自相扶捷徑先啓行賢者循競趨下里多和音焉爲辨笙竽空言
誤人國黑白同一塗萌蘖初甚微終嗟蔓難圖

客行勸徂暑中道正病暍傍睨清冷水快意思一啜路人急搦手執勺未
及咽細辨啞泉字隱隱見題碣我意不無疑強復忍其渴此口在人身宜
納固有節末俗矜名論胡爲但譟聒諄語恒似詈直諫本爲計不聞大庭
內市井爭瑣屑根株淺廣引聲勢巧虛鳴錙銖較勝負何異鼠鬪穴安得
飲此泉永結讒夫舌宇宙復清謚斯人免狂鶻賦詩擬采苓從此亦囊括

春日述懷寄湯義仍四十韻

漢感春陰盡蒼山旅病淹梯航三面入風壤百夷兼五尺通秦道單車即

瘴炎投荒虛繡斧，覽勝引彤幃。市有紅藤篾，家珍白井鹽。冰蹄規海澗，峯露岫尖霜。舊長含潤溫，泉側注澱衣。冠餘熨熨貨，貝古閩閩菜。荊簪花豔，餘杭釀酒甜。緬文披似策，蠻語聽猶譚。烽燧宵常警，菑蒲日戒嚴。由來稱卉服，未可廢戎鈐。往者勞徵發，王師快殄殲。傷心多戰哭，無術救危沾。退食聊閒步，幽吟却卷簾。濼雞初學卜，射隼竟空占。牽拙身何補，浮湛趣自恬。怪看顛種轉，益貌廉廉藥。裹頻須命脈，臺懶欲拈神。龜寧要灼鹿，馬刺須籍自。笑名爲累誰，知意所欣以。予嬰世網念，子獨淵潛客。坐閒垂釣，妻鋤竝擁鎌。遊魚窺硯沼，微雨映書籤。句琢文心巧，時推筆力銛。七襄勞組織，一字費針砭。善戲非爲虐，雄文合愈恬。木蘭舟汎汎，荷芰帶襜襜。魏曲傳箏柱，聞情詠鏡奩。吟當花纂纂，舞愛玉參參。多取天應忌，高名已亦嫌。餘生甘剔削，抵死乞髡鉗。老態杯中失，窮愁裡添。澤藜安飲啄，涸鮒且嗎噉。世外論歡賞，私衷早屬厭。筌蹄自有契，膠漆乃非黏。別怨稱殊未，歸期歎不詹。春心傷碧艸，秋望滿蒼葢。兼饑渴思瓊，樹書題倚素。縑空庭無過鴈，竟夕坐明蟾。今古論冤憤，乾坤幾顧瞻。已而應銷鳳，駭彼一鳴鶴。種竹藩官舍，看雲到步檐。池萍青靡靡，砌卉綠纖纖。戀闕心徒奮，傷時口

部郎出知慶陽府再謫補邵武學禎三年罷歸未幾卒父鶚事 永陵總督征倭失事下獄死堅之起孤生覆巢完卵感繫力學少爲歌詩多疾謔與禍魁壘用壯之思爲人跌宕放好從學佛者游嗜酒爲長夜之飲爲理官時直指行部扶醉入謁甫下拜喀嘔狼籍噴污直指衫袖遂致露臺晚爲郡守不視吏事賓客滿堂分簡賦詩遨遊山水間稱風流太守嘗大會詞客於凌霄臺推屠長卿爲祭酒絲竹殷地列炬熏天宴集之盛傳播海內復爲直指所糾而罷堅之記誦輿博摺擅富有漢魏樂府至枚李古詩無不撫擬自謂超于鱗而上之其實無以相遠也七言古今詩變積蒸組之抑揚頓挫之致覽燕中都邑之勝自三殿迄虎園豹房作七言今體詩百篇君子尚其志焉童仲稱詩以故人稚子得見於王元美諸公傑然介立不屑爲附庸諸公亦無稱焉故其詩名不著居恒語其從孫集之詩登時流貴人時文名士所能爲以予之才不思單出獨樹自致千古日與某某相唱酬波流汨沒吾悲其詩之日下也言已輒涕泗沱關不能自止蓋其苦心持擇厚自期待若此

滿歌行

生樂無崇朝襁褓覆巢遭彼鴟鴞破室取子風雨標搖仰面蒼穹天卑聽
高禍繁墜雨予遺焉逃解居世今如此生亦何爲母子此離兄弟推頹歲
月苦饑大難初夷惟有讀書學古事親尺寸敢踰解功名不可爲日月寢
睡下報無由叶涕零雨面仰天悲號叢叢匪我伊蔚復伊蒿九原日昫我
歲去難留解策身起庶尹吏事縱橫讓說殄行蟪蛄聞千里玄天弗成痛
心疾首已矣緹縈去不返唾還身固窮解道傍相憐乃知友生日哺改服
款門載酒橫琴死生有命富貴在天真偽湛浮孰辨濁清傷哉對酒不飲
皇天知爾苦心生如蒲柳暫青何時霜秋墮零安平樂道絃歌且復依君
百年解

烏棲曲二首

夷光浴罷單紗襪卓女當爐搔玉掃五陵年少本風流安能棄置取封侯
霞帔雲鬢迎風立柏梁臺高月如璧上陽花枝笑早春瑤林瓊樹避玉人

石城樂

客有歌陽春陽春在石城石城二三月花與儂齊年

苦寒行家難甫平展先府君墓于西山之陽而作是詩

一上上再上其難陟言呼天征于嶽巖培風階雲三上及苗層深互折
如我百雁陰嵒積寒未冬霓零枯竄厲顛饑虎伺人禪袴若鴉輝骨摧頽
伐室取子爾欲焉逃懷哉懷哉憂途孔云薄暮苦望繁心如矜高山崩岌
飄風感發皇天聽卑毛豎膺結懷哉懷哉天下可正痒痒我心瘋愛別貧
匪兇匪虎率彼九垓噴沙秘雷騰霓作靈馬援私珠頰回私食州論即日
鑠金以筆捆臂譬牧鴟革譬胥吳趙借燬我憂匪私人行堤下水流橋邊
哇啖不改心愁敖然白華滿臯蕪蘭滿濶關羹繪鼎愴惶自憐西南何峰
蔽我朱明日下於征搖心於旌懷哉懷哉不可相云南箕北斗燠然照襟
重離可作逝日難覩椒兮蘭兮願言則怒砭盲刺腹大命不圖上山苦寒
不為裂膚

怨詩

寵新時刻詎能忘恩去朱顏那得長紅妝似花落春色白團如面掩秋霜

後綬聲歌

丙午都下感時作

烈燄震霓叶逝巖巒天吏逸德使人幽憂短氣叶憂來不可知作山作峨
嶺作人爲仲尼峨嶺積霜雪仲尼陌粟烈清琴發雲漢凋堂印弗莫司公

下貧愚福緣終與俱

枯魚過河泣

枯魚銜索啼作書寄王鮪齊國相易牙慎勿來河濟三江豐短盛四海饒
醇醜羅網爲天地違之安所如枯魚銜索啼作書寄楊鱗自昔貪芳餌列
爾至今朝黃鵠見楊鱗相戒河水濱違之不敢飲飛遞入冥冥

讌飲歌

飛鷲在天斷雲滿江江上依依遠風白楊綠樹凝盼落霞窺人高懷厭世
雄心汰襟烟塵四塞日有回光豪氣蕩天轉則倘伴乾坤有身星霜風雨
恍憐商歌何如易水春風絕江歸雁聲哀勉強張目眺子登臺環峰入雲
沉影東流河西豹子至今善謳嘒彼小星烈日西沉能欺扶桑不欺東溟
烈口西近江聲東還雙鬢蕭疎憂心中寒綠竹琳瑯清溪漣漪丈夫多暇
但有酒盃故人滿眼膾鯉釀菘與君爲樂不必多言徂日雖邁話朝不磨
月駛星流乘燭奈何簡須履艸帶索皓吟青山在戶不厭吾貧焚車縱驥
逍遙德園鳴鳴流水迤邐歸門窈彼白駒茫茫春艸搖搖幟鼓有爾長道
寂寞空山浩渺烟霞道不行兮海有浮槎載歌載笑聊以塞口仙人王喬

則余之友

出歌

橘柚出嘉樹顛叶嘉魚出丙穴源火浣出炎洲良醞出淄青甘冰飴雪出
閩越芬樛馥檨出匡門萋菲出瑩道稊稗出藉田

行路難二首

功名豈足爲不見叢蕙與繁蕭樹芳秋亦萋薶惡春還高智囊有倉卒造
化無童旄男兒筋骨盡富貴聖賢黜黑誇巧勞南過錦飄涇北汎五湖舟
高城霜白嬰離冢廊門宵擁鴟夷濤陶朱千金委黃土穀城三略齊蓬蒿
英雄苦恨歲不足年華飄墜心期遙借陰視日但有老何不酌酒盈簞瓢
黃鵠摩天極高飛十年一還思故閭乍聞笙歌訝子晉或撫城郭嗟令威
未知神仙是與非但見悲鳴入雲衢人生不稱意炊金饌玉歸蒿萊仙夫
亦自恨離別賤妾何況孤房栖不見東家簷下鵲朝出暮雙歸比翼棲朱
戶交唇餽紫泥春出無彈射秋返偕參差首宿二庭月茱萸萬里書寧可
歸君號鴟夷莫遂化作杜鵑啼

漁陽醉歌

寒行如酒水溟濛不見陽白雲護沈日闇澹諸峰翔旗龍何棧齧盤山望
逶迤西顧明月窳東暎景忠盧邊風何浩浩翔氣饒雲悲杯酒慷以慨壯
遊良不虛欲請班翟輸爲我作輕輿左載王子喬側坐嬾西施洞軾箸寬
盃一盞千石餘据專坐清琴悲筵節彈碁日觀孤竹巔夕月青海湄鴻濛
太荒中與君逮驪虞

南箕北有斗

客從長安來良友獨無書封題數行去冉冉知何時客見故人不故人寧
見思客言亦相念客言亦相思貴人多迫劇龐雜盈公車千士一府朝五
日亦來歸阡陌克九軌轂擊不能馳柳蟬不及鳴槐蠶不及絲庭鳥不及
下蒼蠅不及飛見者登龍門拜者登天衢應接不自暇安知拜者誰庭實
何煌煌贊幣旅璠璵長跼請一盼髣髴生丰姿駿奔鈴閣中佩結墮璜瑒
但言一問君聽者神魂移貴人自北斗君自有南箕斗自象斟酌箕下無
椽柢亂中窶且貧音寄空何爲鮑叔與虞卿升沉不獨俱三復因親言十
秋令人悲

鵝鴨行

烹鱸鳧包鱗登坐君高堂醉醴醑酒到胡床天地寬醒餘索飽黃梁孰憐
君壽不似青天青天自憐亦復然請看醉中春電歇定階良籍柳花眠

落第客塞下代盧龍諸將寄京洛相知四首

朔氣厲高秋將軍洗劍鏃勞雲出塞暗疲馬傍人愁風色侵重鎧霜威折
丈矛貴人能作賦何不自封侯

合甲凋霜色曼胡麗血光犀凜猶暴露虎冠已張皇祇謂策勳急安知對
簿長從征元分死刀筆又沙塲

破斧入洛下樓船跨海濱金滕風蘊櫓銅柱日生塵綵筆詞臣富牙籌吏
部貧當時烽火急若箇肯捐身

報國惟四體援挹卽九原洗兵星海色凜杵月支痕聖主如信目孤臣甘
喪元玉關誰望入但願少流言

贈崔二入邊

金風積朔邊俠骨勸祈連霜重雕弓捷沙明畫纛鮮車馳九折坂笳亂獨
流泉手拔焉耆返燧姚正少年

送忍之清兄入天目

之子南方去環聲過雲溪桃花春自覩藥州雨偏齊法座高秦望迹音滿
會稽何時開六葉一爲止兒啼

亞父墓

君自入關將如何身不王笑談秦失鹿去住楚亡羊白壁誰先碎黃河空
復長當時絕甬道老大畏鷹揚

經張順妃陵

天界

椒寢開天始蘭膏就日達誰令乘綵鳳不復據蒼龍月暗離宮瓦霜寒
道鐘天長陵樹近鵲駕幾時重

經李麗妃陵

夕張佳期迅朝雲昔夢終春生黃竹雪秋起白蘋風氣接鐘山紫花留桃
渡紅祇看藏壑處天上列芙蓉

三祖乾元寺塔

五葉關將半三衣傳未央遠來承補位敢惜棄輪王日耀飛槃玉山青合
利光一回投五體千界入清涼

龍山雲從亭

玉饋山中酒未窮，解愁天日若相逢。
長竿爲出鮫人月，短笛微吟龍女風。
連葉高於三丈石，桃花開已十年紅。
一望人間似烟霧，春深情思轉微濛。

大雷賊劉虞平飲至詩

山城鉞鉞倚雲隈，江浦雷霆動地來。
部下材官皆國士，帷中柔女贍兵才。
投鞭赤壁流先斷，試劍丹陽石自開。
欲笑樓船過漢蹕，溟濛風雨射蛟臺。

晚步宣氏莊山麓

群峰迴合鳥爭飛，曲徑迢遙送晚暉。
碧岫坐開明月出，青山行處白雲歸。
幾家茅屋春多酒，千壑桃花晝掩扉。
何事驅車窮絕路，無人知道昨年非。

經錢塘江先公戰場

銜石西山羽翼衰，射潮無力望天池。
赤城猶駐揮戈日，蒼水能知血戰時。
海氣北來寒虎窟，江濤西擁怒鴟夷。
祇今澤畔行吟者，永夜吞聲有所思。

題武夷

初聞雞犬異人間，漸入青霞細可憐。
蹊上紅泉無徑路，山中香雨有神仙。
每逢水盡奇峰出，若爲天迴曲道前。
一鑑澄潭思千古，誰當先掃石爐烟。

送覺空還五乳供愁公塔

當時休夏五峰陰
梵起潭龍似笛吟
彼哢南雲千頃雪
下方落日萬池金
竹合月影冥幽寺
杏吐霞光歛故林
爾踏曹溪得歸路
二銖傳納定中深

阮尚書大誠

大誠字集之堅之之從孫也萬曆丙辰進士天啓間官吏科給事中坐充黨禁錮弘光登極召拜兵部尚書督兵江上亂後不知所終

郊居雜興二首

野綠何茫茫
其辨行人路
我居向山曲
艸樹復糾互
碎穀心未能
炊烟時一露
遂引同心來
琴書展情愫
惻然城市間
機穰頓成悞
綠香蒲水壯
清吹松風驚
于此話桑麻
坐閱春山暮
爽猶詎忍分
茗糜聊已具
結室面東湖
風來湖水香
隨意采菱舟
負綠洲渚傍
香靜月色吐
清輝照中堂
澹澹螢火流
泠泠竹露光
絡緯抱花啼
啼聲亦何長
隣女弄秋梭
竟夕燈火張
晚田虞不給
餘布易我糧
聊以贍兒女
非為成衣裳
感此勞者情
終夜為徬徨
湖波首不艷
菱葉亦以芳
刺多泥復深
采采中懷傷

春夜泊江口小飲

向夜江烟定
春星次第開
沙明潮月吐
風善樹香來
炊擊漁航火
酷安野

市酌閒心兼靜侶鷗鳥爾何猜

旅懷

愁思如芳艸春來日日生烟花迷令節烽火掩孤城鄉夢啼鴉斷微生旅燕輕遙憐故林竹新碧欲何成

晚坐弘濟寺

古柳參差掩寺門荆籬石埭自爲邨風嚴烏榜通菱浦日落漁炊就茨根野月荒荒難辨色江峰叔叔更何言鐙前無限浮沈思銷在惹香水鷓喧

曉過石馬冲

古原何地不桑麻六代陵園問曙鴉是處石麟銜晚照幾聞笙鶴馭高霞橫塘綠水漫菰葉平圃青藤罨豆花野情不知離黍恨踏莎還上玉鈎斜

雷塘

雷塘無限白楊花寒食西風集暮鴉莫向舊堤窺柳色春鋤爭上玉鈎斜

鄒提學迪光

迪光字彥吉無錫人萬曆甲戌進士官至副使提學湖廣罷官時年纔及強以其間疏泉架壑徵歌度曲卜筭惠錫之下極園亭歌舞之勝賓朋滿

坐鵬詠窮日享山林之樂幾三十載年七十餘乃卒愚公亡而江左風流
鼎矣前後集三百餘卷連篇累牘煩緝醜豔無如其骨氣猥弱不堪採擷
其文又不必置喙矣隆萬間王弇州主文章之盟海內奔走款服弇州沒
雲杜回翔鶴宦由拳潦倒薄游臨川疏跡江外於是彥吉與雲間馮元成
乘間而起思狎主習楚之盟長卿遊戲雒之義仍亦漫浪應之二公互相
推長有唐公見推之喜彥吉沾沾自負累見於詞章而又排詆公安并撼
眉山力爲弇州護法恭欲堅其壇墠以自爲後山辨香之地則尤可一笑
也長卿通脫多可而少怪義仍孤峭心薄王李鄙其尸盟次睢之社朱弓
之祥歸於不知何人領之而已非其所屑意也二公晚交于余而義仍亦
有微詞相聞并及雲杜詞壇爭長等於鬻鬪今皆成往劫事矣彥吉之詩
優於元成點綴風雅亦復可觀余故錄其詩以稍別之

春日園居雜詩二首

東陸芳初纔西園景漸和雲情要作賦月貌出當歌嫩刺侵鞞勒幽花笑
綺羅科頭忘應接一任客來多

行吟不放蓋坐釣亦攜書山鳥時調弄階莎勿剪除習眠如溼柳避客似

鱉魚游冶非吾意春光任爾針

秋日汎舟至山園兼過法院次林若撫韻二首

水容開皎鏡汎渚愜新秋紅樹能迎客青衣學駕舟藥欄天露洗湖道夜
珠流自笑如拳石難言五岳游
廣圃深澗壑駢房曲貯山堤長留竹捍牖每惜花關日暗厖先睡林昏鶴
便還名流真爾輩杖履欲追攀

七夕同沈璧甫林若撫泛舟芙蓉湖候月

月貌那能似雲容不可描蛙聲樂數部柳縷浪千條綠坂疑牛渚朱欄是
鵲橋清商未旬日蘆荻已蕭蕭

吳門歸入惠山寺

勝遊不惜屨餘興尚淋漓竹路青相借花宮翠亂披酒闌留月住曲半受
風吹爲問梁溪夜何如吳苑時

中秋虎丘紀勝

琳宮十二夜生光車馬闐駢選佛場水月競邀羅綺色梅檀都作麝蘭香
林間度曲鳥栖急石上傳杯兔影涼金虎高墳勝遊地玉魚銀海正茫茫

三月三日宴客山池

銀塘日朗敞華筵何意能要仲御船匠匪紛紜當上巳巨羅酬酢聚群賢
花銜舞袖千行麗月傍歌喉一線懸鵲詠未妨絃管盛相看如在永和年

鄭給事明選

明選字歸安人萬曆己丑進士知安仁縣陞南刑科給事中移疾歸
卒鄭君不以詩名得數章於吳興藝文補殊有俊氣采而錄之

幽趣

但見滄洲趣清溪對竹扉窺陰懸薜荔水色受薔薇
鳴鴨迎船浴山蟲冒雨飛田家蠶已老日暮剪桑歸

早行

雞鳴客下床出門天未曙山黑不見人但聞馬蹄去

沈長山山莊絕句三首

苦藜滿汀花映牕蜀山飛過鴈雙雙豆棚欹側侵書架梧葉顛狂撲酒缸
蓮花兜上艸蟲鳴處處莊白菜生賓鴈成行如一字寇鬼作陣似風聲
東家園裡撲黃柑西岸墳前種石楠蝦蟇似蛇緣短壁鷲鷲如鶴下溼潭

謝布政肇制

肇制字在杭長樂人萬曆壬辰進士除湖州推官量移東昌遷南京刑兵
二部轉工部郎中管河張秋作北河記略詳載河流源委及歷代治河利
病談河工者考焉陞雲南參政歷廣西按察使至右布政林若撫曰在杭
詩以年進下菰集司理吳興作也坐論需次真州有鑿江集移東昌有居
東集格調漸工然其詩亦止於此嘗有寄余詩云曾從紫氣識龍文忽見
新詩過所聞老去自慙牛馬走書來猶問鹿麋群春城樹色連吳苑夜雨
鴻聲叫海雲荔子輕紅榕葉綠相期同拜武夷君在小草堂全集中晚年
所作聲調宛然不復進矣余觀閩中詩國初林子羽高廷禮以聲律圖穩
爲宗厥後風氣洽襲遂成閩派大抵詩必今體今體必七言磨礪姿盡如
出一手在杭近日閩派之眉目也在杭故服膺王李已而醉心於王伯穀
風調諧合不滌叫囂之習蓋得之伯穀者爲多在杭之後降爲蔡元履變
闕而之楚變王李而之鍾譚風雅凌夷閩派從此熸矣

送練中丞遺裔歸家

有引

自金川門之變練公子寧以御史大夫抗節死闕下闕門荼毒獨有侍勝

抱匝歲子隱民間得免展轉入閩爲人傭保六世孫綺者爲新寧陳牟廉
掌書記萬曆戊戌牟廉計偕入浙有江右生同舟先一夕生夢練公持刺
謁已心異之比入孝廉船見書記侍側雅哲不群指問何姓答曰姓練生
心動叩之曰得非吾里練中丞後平綺不應而涕泪滿面生益疑駭窮詰
之具得其狀亟以百金爲贖孝廉不受遣綺綺不肯行曰以死殉國入臣
之恒且九族赤矣歸將何爲生益賢之歸家具自當事者以幣來聘授以
衣巾俾奉公祠官爲置田廬百畝一時聞者莫不歎息泣下以爲天道有
知云

燕山日黑黃塵起金川門外鼓聲死長樂宮爲瓦礫場殿庭流血成海水
御史大夫練子寧手持三尺干雷霆覆巢自分無完卵一門百口歸冥冥
事去人亡二百載蘆荻蕭蕭餘故壘長陵楸柏已十圍孤臣遺骨今安在
釣龍臺下水可楫新寧城東山嶽業灌園誰能識法章傭肆猶堪藏李燮
一口天迴地轉時千金購出練家兒若救之鬼終不餒行路聞之皆歎歎
我登鍾陵山遙望石頭城寧爲孝孺死不作陳瑛生爲君慷慨終一出恣
風颯颯江波綠

賦得新柳送別

短岫復長隄，黃輕綠未齊。
曉風吹不定，春雪壓常低。
草細偏相妬，鶯嬌未敢啼。
年芳君莫問，日落滿陵西。

送徐興公還家

楓落空江生凍烟，西風羸馬不勝鞭。
冰消浙水知家近，春到關山在客先。
斜日鴈邊看故國，孤帆雪裡過殘年。
憐予久負寒鷗約，魂夢從君碧海天。

感懷

披裘五月滯江十，羸得青山對塲冠。
北海尊同狂客盡，南樓月共小姬看。
城頭雲色來朝霽，柳外蟬聲送晚寒。
却笑枯桐今已爨，豈堪山水向人彈。

宿吳山樓

佛火明還暗，羈魂夢復驚。
秋風一夜起，落葉與牕平。

題吳興海天閣

道場山

飛閣接天都，珠宮控太湖。
山光圍百雉，野色入三吳。
木落禽聲盡，雲崩塔勢孤。
東南多王氣，回首起栖烏。
徐興公云：雲崩客勢孤之句，爲時人傳誦。
鄭翰卿寄詩云：翠苻青蒲碧浪湖，裁詞對酒憶人無。
謝郎近日縱橫甚，尚

送人之咸陽

送爾咸陽道風霜冷不勝難啼將落月馬法欲消冰火後無秦殿回中有漢陵斜陽看故國烟樹發層層

南旺挑河行

堤遙道河瀾瀾分水祠前卒如蟻鴉衣短髮行且僵盡是六郡良家子淺水沒足泥沒胛五更寒作至夜半夜半西風天雨霜十人八九趾欲斷黃綬長官虬赤鬚北人騎馬南肩輿伍伯先後恣詞撻日曷喘汗歸蓬除伍伯訶猶可里胥怒殺我無錢水中居有錢立道左天寒日短動欲夕傾筐百反不盈尺草傍溼艸炊無烟水面浮水割人膝都水使者日行隄新土堆與舊呀齊可憐今日听上土雨中仍作河中泥君不見會通河畔千株柳年年折盡官夫手金錢散罷夫未歸催築南河黑風口

鄧副使原岳

原岳字汝高臨縣人萬曆壬辰進士授戶部主事出爲雲南提學陞湖廣副使長身玉立人皆憚其方峻久與處溫夷閩樸所在以文采著稱與謝

在杭竝稱詩於闕在杭推之以爲國初有十才子弘正有鄭善夫而嘉隆之後則汝高爲之冠所著有西樓全集十卷汝高嘗選闕詩正聲以高延禮唐詩正聲爲宗大率取明詩之聲調圓穩格律整齊者幾以嗣響唐音而汰除近世叫囂跳踉之習然其所謂唐音者高延禮正聲品彙之唐而非唐人之唐也觀其持論則汝高之詩從可知矣余嘗論闕詩流派頗以後來庸靡之病歸咎于林子羽蓋有見於此於甲集論之詳矣

江上別徐惟和兄弟

驛路風吹揚柳枝江雲江草不勝悲也知遠道終須別借得離筵駐片時

陳紹興勳

勳字元凱閩縣人萬曆辛丑進士授南武學教授轉國子助教南工戶二部出知紹興府元凱夙標雅望能詩善書未艾投簪杜門著述時人以陶元亮擬之

山居和韻八首

亂山飛翠似相迎山畔山雞自喚名海雨挾潮歸極浦溪雲扶月上孤城
數聲漁櫓鳴寒漲一酌邨沽坐晚晴歌入滄浪秋思遠不妨倚和到參橫

石自玲瓏水自潺高齋不與俗相關掌心取食幽禽熟墨汁翻書稚子頑
雨韭新香宜夜剪烟蒲老綠及秋刪雖然小事皆清事人道山翁解住山
泉邊山閣坐潺湲不是枯禪亦掩關映水窺人憐鶴靜俯巢探鳥笑僮頑
殘編擬向閒中了額句頻於枕上刪昨日晚晴教洗竹喜當缺處露春山
山翁病起坐蓬茅藥杵殘香課僕敲濁酒醉因逢舊伴奇書快似得新交
旋移細竹過南澗約看寒梅到北郊垂老身心無一事生涯聊爾不須嘲
石壓幽牕竹覆垣秋聲秋葉漸應繁雲歸却讓孤峰出雨歇還添別澗喧
遙夜山寒吟木客高林果熟快上孫杜陵亦有憂時老短褐長錢獨閉門
編籬插棘補頽垣笑山翁事亦繁果熟老猿窺樹慣禾收寒雀上廳喧
貪杯往往逢狂客源際時著稚孫舊日列侯今是夢種瓜猶擬學青門
蒲團一味與僧分不是銀魚亦可焚但以身心同外物莫將柴柵縛浮雲
心因有住翻成碍事若無機卽不紛此語煩師爲轉語是無上語是聲聞
墨蘿欲壓角巾低石勢參差到者迷只許閒雲隨意住最憐幽鳥稱情啼
殘碁斂局還尋劫險韻成詩却貼題拈取南華講秋水頓令坐客欲忘蹄

董養河字叔會漳州人以諸生受辟召官戶部主事丁丑歲待詔長安與
黃季翼劉漁仲偕游於吾門聞人而吳學者三子也季翼漁仲皆就官州
邑漁仲死於兵叔會季翼皆未知其存否錄叔會詩爲之三歎

嶂前猿鶴喜相迎管領雲山豈用名玄灞月明聞吠豹斜川風美望曾城
亦時止酒因無伴聞不登山卽未晴獨有雄心難盡處島烟孤起爭田債
小淙分瀑夜浚浚片月窺牕不可關烟水自來宜我輩動名終是屬癡頑
新松直上梢頻剪叢菊孤寒藥半刪却笑謝公徒捉鼻區區江左負東山
日日千峰雲覆垣蘭畦菊町地偏繁洗盂不厭山僧淨爭席時聞野老噴
澗底撈蝦喂鷓子花間聚蟻飼雞孫賣將殘卷完租稅清夢無驚吏到門
刺得春光有幾分閉門寒雨博山焚桃花水漲潮連樹蠟女磯橫石戴雲
遠浦鱖魚歸市晚近汀雞鷓避矰紛蒲團鎮日唯趺坐清梵微微隔岫聞
羈女破余海中石韻

跨流小閣兩畦分涼淨能消劫火焚栗里徜徉惟密柳敬亭還往信孤雲
洞孫窺菓時防侮野雀爭花坐解紛獨有遊仙愁夢斷雨過灘吼枕中聞
亂徑花深香不分攪人離思日如焚斜橫鴈影清江月暗送梅魂斷隴雲

玄圃夜光空落落，青瑤艸自紛紛。英雄難死仙難覓，楊樹悲風豈可聞。
微際茅低星更低，竹欄松徑步來迷。還他仙壑真風月，閱盡俳場假笑啼。
茗椀渴深無用譜，藥囊病慣不看題。山僮事簡扉關早，爲語霜畦過虎蹄。

陳秀才鳴鶴

鳴鶴字汝翔，閩人。棄去舉子業，與徐惟和兄弟謝在杭，共攻聲律。凡三十餘年，有詩數百篇，與公爲選擇行世。

經漂母墓

淮陰春雨裡，杜宇不堪聞。十日王孫飯，千秋漂母墳。山吞灘水月，地接廣陵雲。感激懷知己，無言對夕曛。

武夷紫陽書院贈朱山人

先業依青嶂，開軒獨隱居。石田畊水月，芒屨混樵漁。萬壑日吹笛，孤燈時讀書。結廬倘相許，同釣九溪魚。

送人之緬甸

萬里從軍天盡頭，身無七尺不禁愁。蠻鄉短信題金華，山店孤燈點石油。青布緝頭騎象女，白檀塗面射狼酋。莫言年少輕離別，一夜風沙滿鬢秋。

送曹能始之金谿弔周明府

南來幾日又西征，腸斷羊曇薤露聲。
羅雀門前生死恨，釣魚臺下別離情。
千家樹葉連山縣，一路楊花暗水程。
華表鶴歸春夢杳，報恩惟有淚縱橫。

伍相祠

黃池宴罷羽書催，骨葬鴟夷梓可材。
西子已辭吳苑去，東門忍見越兵來。
春風故國蘼蕪長，落日荒祠杜宇哀。
千載忠魂何處問，滿城兒女弄潮迴。

古戰場

連天殺氣阨黃雲，鬼哭啾啾奈可聞。
日莫亂鴉爭白骨，不知誰是故將軍。

題冲佑觀二首

十二仙人控紫鸞，頂門一去不曾還。
當時雞犬昇天盡，只有浮雲住世閒。
吸露餐霞絕世氛，石壇親見武夷君。
漢家天子多烟火，却把乾魚汚白雲。

楊柳枝

萬緒千條拂翠臺，只牽人去不牽來。
楊枝折在行人手，那得楊花二月開。

康秀才彥登

彥登字元龍，又字孟擔，閩縣諸生。爲人慷慨負氣，一言不合輒拂袖去嘗

游歷邊塞無所遇有朔方游稿年三十六貧困以死賦詩好自攻鼠不成
福輒棄去萬曆間稱福州七才子考登其一也

城西別友

驛樓重發不勝悲執手難於乍別時故國殘年人去遠亂山疎雨馬行遲
青袍暗溼爲儒淚綠酒愁聽送客詩最是關門風雪惡明朝吹盡長堤綠

宮詞

銅龍曉漏滴蓬萊天半傳喧使殿開一霎燈光齊散盡春寒軟與放朝回

詠柳

照影盈盈拂自垂受風縷縷弱還吹關山笛裡思歸引灞水橋邊恨別枝
翠黛莫因春去損纖腰乍向月明移可憐空傍章臺老欲惜凋零更有誰

王布衣毓德

毓德字粹夫侯官人父應山字莪宣以春秋爲大師教授武夷烏石間者
闔大記應史法閩中文獻歸焉粹夫萬曆間老于布衣里閩中稱長者見
人有急難不平不問識與不識身爲奔救遊金陵至於友人林古慶其鄉
有貴人招之弗肯往竟去吟詩最苦詩成不喜示人故傳者絕少有子爲

高才生亦貧甚

度仙霞嶺

已恨聞天道路賒更堪回首隔仙霞潏潏已是他鄉水縱使東流不到家

蘭溪夜泊

暮雨孤邨繫客船魚燈相對未成眠思家淚共蘭溪水一樣潏潏過枕邊

萬曆宮詞六首

畫長鸞鏡未安臺宮女無端絮絮催料得君王多夜宴不愁行幸日中來
良家三載閉長門已爲青宮奏特婚大禮至今猶寂寞莫言賤妾未承恩
彤庭罷御幾年餘剩喜天顏大內居昨日黃門催進鑷花閒連育覽羊車
一入深宮又十年宮中元日也朝天如今漸被人推長蓋押頭班立御前
慈聖宮中每發心幾將大藏供叢林內人也自承風旨捨與中官安奉金
聖印逢秋玉露寒午門祇候立千官宮家未問東宮拜欲上龍床受賀難

陳

汝修

汝修字漫吉閩人

感懷二首

不挾風雨曳尾而長年鳩不知戊巳七子何踰躓造物無盈虧達者觀
其全鹿裘行帶縑中懷嘗坦然

杖策東郭門田疇綠委委人生自食力奈何名與利殺身爲他人往往誇
聖智麟鳳自翱翔王昔指爲瑞牛馬窮筋力庖人醜爲馘

夜至孫子長山齋

空山明月靜宿鳥夜驚呼禁地履聲亂霜林燭影孤叢品懸墜石野水漫
平蕪梅信今年早憑君借一區

白雲洞

徑轉人疑墮烟深路欲遮危峰挂星漢古洞走龍蛇稍露蒸初日枯藤鈎
落花可憐一尊酒相對煮芹芽

來布政復

復字陽伯三原人萬曆丙辰進士兵部郎儼然之子也爲詩文敏捷如風
爲人重氣好客泛交道廣有聲薦紳間起家戶部郎歷官布政使備兵揚
州歸田病卒陽伯性通慧詩文書畫之外琴棋劍器百工伎藝無不通曉
惟未習女紅刺繡至吳門學之旬日吳中女紅皆歎賞焉同時華州郭宗

昌字徧伯博聞多能與陽伯略相似皆三秦之異人吳越間多秀才未有
其比余於徧伯之奇知其什五恨未見陽伯也陽伯有詩集十餘卷能詩
而不能工亦多能累之也

聽斗谷宗侯琵琶歌

我與宗侯相遇時乃在長安客舍裡宗侯弱冠我尚幼相留夜宿常同被
夏時來生對彈琴屢慚負進訝技師兩三青衣善絲竹日來勸酒向客屋
平把琵琶不敢彈為有倫孽正當局宗侯手取曲撥續徐把安膝笑轉軸
長拂小燃兩三彈涼風滿屋聲謾謾為我一彈鴈鵠曲轉聲促軫音更悲
恰如百指按絃聲高低大絃如濤小絃如雨鶯雛鳳殿相喚飛曲聲婉轉復
激楚云是古傳吳葉兒餘韻嚼嚼凝不散多少宮商絃上換忽聽于兵赴
陣甲馬行跼跼轉似隔壁幾個好女傷春坐愁歎侯家第宅東城偏父子
兄弟皆好賢邀我幾醉如灑酒兄弟列坐鳴管絃坐中搗箏兼吹笛聲聲
倚和真的歷揔道同經內府傳纔說琵琶皆不敵回首長安已幾年三春
老盡杏花天近時二三友人探春信復與宗侯相周旋一聞此聲意俱醉
歸乃謂余之言然誰知枯木喬如語誰知推弄將琴侶河間虛對三秦宮

定陶枉摘銅九鼓銅九摘鼓聲襲襲金晏王徒雍容只好新安查八十
近時京都李瞎翁天工一夜推送三人音弄入我手使我一彈一飲自廢
蓬蒿中

文少卿翔鳳

翔鳳字天瑞三水人萬曆庚戌進士除萊陽知縣調伊縣遷南京吏部主
事以副使提學山西入爲光祿少卿不赴卒於家天瑞父在茲舉萬曆甲
戌進士以程文奇異爲禮官所糾遂不復仕作梅花詩至萬五千言講德
摘詞以奧古爲宗天瑞繼承家學彌益演迤庚戌硃卷房考雷簡討恩靈
鈞稽段落以青筆乙其處始就句讀其論學以事天爲極則力排西來之
教著大微以翼易謂太玄潛虛未窺其藩余將行攜其藁過邸舍再拜付
余諸人曰太徽南矣余媿不能爲狃譚也以辭賦爲專門絕學覃思腐毫
必欲追配古人嘗稱曰鳳家枚馬甘知之聖也神至千不可知楊學知之
理也大而化矣班張左大賢也充實有光輝而未果化潘陸以後充實而
美矣光輝乎何居余欲建子雲以爲師友太沖與之爲朋而未之逮也作
金陵六賦以當京都蓋其大志如此其爲詩離奇莽元不經繩削馳騁其

才力可與唐之劉又馬異角奇闢險晚作嘉蓮詩七言今體至四百餘首亦古未有也天瑞白替長身秀眉飄髯風神標格如世所圖畫文昌者其爲人忠孝誠敬開明豈弟迥然非世之君子也初第時與余辨論佛學數日夜不寢食曰子姑無困我庚申冬以國喪會闋門極論近代詩文俗學祈其改而從古天瑞告王季木曰虞山兄再困我矣天瑞與余不爲苟同如此然而如天瑞之文賦牢籠負涵波瀾雲詭其學問淵博千古真如貫珠其筆力雄健一言可以扛鼎世之人或驚怖如河漢或引繩爲批格要不能不謂之異人不能不謂之才子也文中子曰楊子雲古之振奇人也余於天瑞亦云

後湖行 黃冊貯湖洲中民部領之

日中有瓊池月下有蔡淵其精墮爲朱雀玄武之二水鍾陵疑卽須彌巔遂巖前湖作殿闕五風攝處駐行天滄溟操築又桑田自是水輪扶地軸不比羲仲御虞泉簪石豈仗神螯戴銜木非憑精衛填琉璃推現天人界香水捧浮帝釋蓮獨留後湖照嬋娟金銀氣已貯秋烟中有群玉爲策府由來曲洛是書淵靈沼未聞還宴鎬昆池何況本學溟鍾阜如龍下飲之

真橫過海船雞籠龍舟碧相揖對蛾對鏡畫春妍君出太平門試拂
堤邊柳天絲樹樹堪垂手錦水繡嶺低回否長生新館立烟波萬頃明月
萬頃荷荷柄發花香入帶風來湖上竟如何

江上吟
江洲守風再宿乃發

江心繫纜蘆花渚豚拜石尤燕作雨網罟釣貝客此灣採菱拾芡郎何處
隔江漁火點流螢參差隣舟烟共語銀濤拍枕夢驚騰下蓬萊欲軒舉
聖臣但攀若木枝仙吏急索扶桑父兩炬雞犀代燭龍泝流犁扶夜明府
道士潛譯火龍經潭畔尺書傳貴主乍聞風髮散雷霆洞庭測儉錢唐去
天門直者不可通予爲排闥致帝所遂命天工下沅湘重補鶴樓提玉斧
太白酒星抗手過共躋芳洲和鸚鵡若著宮錦我綺裘却泛秦淮訪參虎
咳唾六朝小晉吳眼界金陵開萬古榜人流喝榜龜茲蓬頭颯爾擬金鼓
鳴籟吹竽打槳飛追他百艘凌虛激燕磯霞頂兩開情望望鍾山立天宇

烏道行
陽城西陌

車輪推太行尚是驅車路子看芹池坂四蹄無著處解羊腸只是盤烏道
緣底過幾且以掌行幾且行如坐解水滑不留跟
勿子可斷痕泥滑不留

杖欲乾待斜昏陰暄尚自可陽坂數援我旌便說天爲嶺便說澗如井爭
似稜行愁萬丈垂容影細邇道不可埽輜輪濶於道二分出壑唇一分挂
巖杪兩趾前後須疊行欲過僕夫數脫襖我馬不堪學栝捲屢折曲均僣
欲倒紐

輶軒聊述

近聽腦中童子語舊看心葉玉皇經木公考課巡三島白帝傳鴈宴百靈
有骨凌雲周外界無才佞世昌天刑吾將力挽長楊斷講座時開笑口馨

暮入登州

道山微刺黛近島澹留青海若收城市鯨人掩戶庭宿雲如待曙歸汐解
藏靈日毋東巡至余將攝太寧

伏生墓 鄒平東郭

真搜禹穴竝人間群玉西鄧東可攀天地有靈移策府心胸如許貯名山
漘燎不到書生腹孔壁重歸女史環却笑安釐汲上冢殉書玉盃爲誰關

待旨

待旨曾趨兩個間每瞻天脇想龍顏三華旭日春浮闕萬歲童雲桂滿山

蒼鹿自茹瑤州偃白馬爭道玉階閑何勞羽檄煩明王乍幸昭陽未擬還

王考功象春

象春字季木新城人萬曆庚戌舉進士第二人與茗上韓求仲名相次也季木每歎詫奈何復有人壓我其語頗爲時所傳而求仲科場議大起遂以季木爲訐已黨人用壬子北試移師攻季木牽連謫外稍遷南吏部考功郎季木雅負性氣剛腸疾惡扼腕抵掌抗論士大夫邪正黨論異同雖在郎署咸指目之以爲能人黨魁也卒用是敗歸田久之遂不起季木於詩文傲睨輩流無所推遜獨心折於文天瑞兩人學問皆以近代爲宗天瑞贈詩曰元美吾兼愛空同爾獨師其大略也歲庚申以哭臨集西關門下相與抵掌論文余爲極論近代詩文之流弊因切規之曰二兄讀古人之書而學今人之學胸中安身立命畢竟以今人爲本根以古人爲枝葉窠臼一成藏識日固并所讀古人之書胥化爲今人之俗學而已矣譬之堪輿家尋龍捉穴必有發脈處二兄之論詩文從古人何者發脈乎抑亦但從空同元美發脈乎季木橋然不應天瑞曰善哉斯言姑舍是吾不能遽脫履以從也厥後論賦頗辨駁元美嘗于雲之語蓋亦自余發之季

木退而深惟未嘗不是吾言也季木尤以詩自負才氣奔軼時有齊氣抑揚墜抗未中聲律余嘗戲論之天瑞如魔波旬具諸天和能與帝釋戰鬥遇佛出世不免愁宮殿震壞季木則如西域波羅門教邪師外道自有門庭終難皈依正法季木問山亭詩不下數千篇而余錄之斤斤者誠不忍以千古之事累亡友於無窮也

山居

雲與同閒鶴竝孤嗒然隱几得今吾漱水石火炊先熟服火山泉體自癯
隔舍有僧同說夢抄方無劑可醫迂曉聽風翠濃於滌自看長松過雨闌

古意

綺牕寂莫對花開開看殘花點碧苔花到長門原易落不干風雨夜重催

昭君

朔氣茫茫接虜塵琵琶彈出漢宮春未央今夜催歌舞猶恐君王憶遠人

張尚書慎言

慎言字金銘陽城人萬曆庚戌進士爲諸生時裹糧襖被徧遊吳越名勝雖牽絲入仕神明寄託恒在山水間孤情迥照翩翩然如野鶴之立雞群

也爲曹縣今有惠政拜御史爲逆璫所恨請戍甘肅窮邊瀕死猶傳羌中
煎醢茶法爲詩以寄余崇禎初起家太僕少卿歷數階拜南京吏部尚書
弘光南渡舉遺賢屏譏惡卓然不回黨人噪而逐之僑居蕪湖寄食蕭寺
緝經禮佛飄袖蕭然遂以病卒年七十餘其孫奉其柩歸葬金銘爲人有
別趣詩亦有別調懷負志節敦篤友誼家居時流賊猖披造三層樓臨泊
水上樓榭深苔火礮悉備一鄉人保其上賊屢攻不克所全活數萬人有
才如此而置之冗散不得爲國家當一臂由今思之尤可爲痛惜也金銘
有泊水園集林茂之身其佳者爲錄而傳之

秋仲晦前茵閣

終年無客到辜負此林丘所以出節者常爲竟日避雲將心共遠天與水
爭秋正爾沉吟處斜陽不可留

晚登東山

恐負淒清水木凋頃來無日不登山都將慷慨悲歌意分付孤鴻細雨間
拋物靜歸根自寂撫躬衰與世何關綺霞紅樹紛如織雅翼相銜是倦還

初晴

豈不念搖落中懷無所名愁非緣滯雨喜却爲新晴夕照佳難久秋高響
易生少年當此日襟抱積空盈

白門重晤林茂之

三十年來懷所思幡然再見喜還悲應門投刺驚相訊傾蓋前途知是誰
爾我慨仍譚契濶友朋嗟豈泣生離中間歷落崎嶇話少待挑燈夜雨時
馬至事之駁

之駿字仲良新野人與其兄之騏字時良同舉萬曆庚戌進士時良以榜
眼入翰林官終禮部侍郎仲良授戶部主事權許墅關用內計左遷量移
順天通判復戶部主事天啓乙丑卒於官年三十有八仲良兄弟並有時
名而仲良尤爲秀發與鍾伯敬同時稱詩仲良持論欲極其才情之所之
恣其意匠之所經營情景筆墨之所稱愜速救鋪陳叫囂之病近離淒清
寒苦之習不屑寄伯敬籬下伯敬以其非同調也亦推而遠之少年盛氣
腸肥腦滿多詩酒酣暢之致鮮師友鏃厲之功其最契合者吳門王留新
安汪逸相與馳騁角逐往而不返以故時調押出學古不純風格時患于
蕪累波瀾未見其老成天不假年未見其止良可惜也有妙遠堂全集時

良所輯今行于世

宣和玉磬歌爲祠山道士作

瑤岷出水水寒膩昆吾刻作宣和字哀音射波龍子啼如訴東京夢華事
殿前袞衣方羽衣翠旂繡厓丹碧輝靈素大言請群后三山鸞鶴同雞飛
此時宮懸俄一叩洞庭地罕鈞天漏胡塵馬湮捲地腥不上血斑上土繡
玉質至脆石至堅物理堅脆爲壽年峻嶒良嶽盡奇石銷烽飲鐵成飛烟
古冰瑩然反長久似出宮姬配非偶垢衫絨腕強提攜憶著安妃玉奴手
蒼梧花鳥悲暮雲南枝兼失冬青墳空山猿哭斑狸臥時復一聲裂烟破

劉將軍歌送勳甫帥師援遼

已未東天五星鬪遼海波腥土花臭時聞隣火泣黃昏坐見狼烽欺白晝
天子甘泉移日曛金符十道飛紛紜山西燕領自有種鄴下黃鬚故不群
南陽趣起劉將軍將軍昔罷樓煩戍擊鮮臥接糟牀注纒踰遮火夜徵歌
不律吞虹朝選句瓜田自識故候名機騎不干醉尉怒昨者對揚休命時
小人敢以有母辭解裝盡供食客費破產寧問家人饑良家六郡喜馳突
猛若怒彪健於鶻令嚴真可試宮姬智捷何妨師廐卒將軍許國惟一身

出則我后歸吾親爛爛血丹自知已悠悠文墨夫何人是時火龍行空燒
赤鱗掄金浴缺無纖塵匣中雙鉤萍葉紫槍尖六月梨花新彼奴作逆將
亡矣今之江夏裴聞喜將軍勉效西平子直須雪夜擊鷲鴒莫遣青天亂
烽熾不見軍需竭地征中原鞭撻無停聲援師南來更蹂踐兒啼女哭逃
柴荆卽茲人心厭戈戟可知天意銷機槍鳩鵲衣冠萬國會棋局盡于
秋名酌君巨羅君起舞舞朱營振振在鏡鼓高歌飛作出塞詞別淚彈爲洗
兵雨牙旗鵲印何可誇萊衣要裂宮錦花歸來長跼告壽母如灑之水添
流霞到侯豈必在年少烏足羨哉鄧中華

快遊歌寄汪一甫

鑿無山頭角滿耳十萬健兒密于蟻猛氣皆思斫建州缺馬嘶風大旗底
幕府朝開劔如水上將逡巡護軍靡其間側注者誰氏雄釀高談稱弟子
書生青骨如斷冰夜看燐青曉烽紫邊聲無地著伊吾五嶽突從壯心起
快哉汪生遊如此歸來一枕清淮流麗堅彈箏翠眉喜前谿誤按出塞曲
醉眼猶瞋叛臣李萬事反覆難具陳殘虜未滅誠足恥國士誰揚司隸幡
朝廷儻撫雲中鵠生平早向長安爐荆高千年氣不死

悲崔行

我所悲兮崔大夫。面稜紫石黃虬鬚。高談管葛卑孫吳。星躔風角職方圖。
黃衣赤伏怪且迂。佃獵百氏收膏腴。風雲少日乘雙鳧。暖覆百里猶織繡。
仁心侃侃輔以愚。雖無一本奈千株。彼豪睥睨當津塗。乃絆騏驎效鸛雛。
稍遷搜粟司。益區嶠然清冰雙玉壺。是時四海方覆盂。洛陽危涕同蛟珠。
夜占靈氛望紫樞。眉憂耳語時嗟吁。嚴風摧樹啼慈烏。麻衣葛屨還舊廬。
無何赤羽傳狂奴。獷牙蠅血嚼吾膚。尚書尺一徵東趨。章以繡笏握銀菟。
金鞍偏坐臂兩弧。直欲挺劍吞伊吾。誰司斧斨厄運徂。小智窮途剛且疎。
乃揖盜賊撤其郭。吾謀不用空睢盱。叛人攘臂胡馬驅。回首示痛飛道衢。
臣力竭矣志不渝。仍冠貂蟬腰魚符。報陛下身那可汗尺組。自舉氣不蘇。
陰風冤血交模糊。同時亦有何公俱。井花熒熒沉姣姝。睢陽巡遠雙厲呼。
下視丸土腥駝酥。事聞天子嘉忠謨。太常竹帛太史書。太祝清廟陳笙竽。
招魂何地迎頭顱。青冥八柱扶孤軀。公神爲龍不爲驅。左右請帝亟行誅。
雲旗風馬光有無。奴雖遊釜纒須臾。

聊園晚步二首

問病過鄰舍乘閒葺舊離
半知自歸路鳥亂欲栖時
暮景不堪駐孤懷誰
與期哇丁報寒早催護隔年枝

掩關卽深壑整履復柴門
殘水到橋折孤亭依堞昏
乾坤爭朔氣處井錯
高原荏苒看如此寧容久灌園

送劉四

別酒呼還輟欻歎百感俱
兩年何事隔明日此身孤
秋水殘城郭情霜黑
驛途故鄉歸總好高會復能無

攜具邀諸子重過東邨別業六首

野色寒非昨林容洗倍新
鳩呼憎後驗犬臥減初噴
墨尚明題壁香猶記
吐茵墻頭堪過酒杯竭問西隣

地隔三家市天私半日晴
桔槔緣壁掛襤褸傍堤行
里婦驚歌管田奴竊
酒鎗每來賓主熟野席不勞爭

分火疎籬外聞雞曲巷中
烟雲如戀主田舍得稱翁
林止留槐綠霜將釀
柿紅前期俄匝月惆悵歲時空

曲折諳來路沉吟緩去心
燕巢空社後蜩鼓列牆陰
細作桑麻語分行東

梨林衣裘寒事動聲已切隣砧

森使遙峰失林催落葉飛貧家文馬烏稚子臥牛衣藤喜刪無蔓蔬經摘

更肥留歡有明燭堅欲下雙扉

錦里寧相敵東臯未敢多昔人頻代謝佳客始經過艸艸身安計烏烏耳

熱歌預愁君別後獨往怯烟蘿

寄訊顧所建

天高雙闕叩無因遠竄驚存萬死身虛擬麒麟圖將種却勞蛟蜃逐波臣
腐心誰雪書盈篋掉臂猶餘客幾人總道罷歸無舊業邗江明月未全貧

伏枕四首

伏枕梅簷過柳衙北湖又復負荷花門因謝客全無籍身欲稱僧尚有家
七尺向撫同艸木三生知久痼烟霞餘年倘遂幽棲志剩我清湍舊釣槎
鏡遠巡每自猜冠中頻改服重裁唯應憔悴人人惜豈是清虛日日来
計徧青山謀總幻觀存白骨念先灰昔賢致語堪銘坐薰桂煎膏莽自哀
力淺階除步不齊屢呼筇竹代提攜難隨徐福求神棗且學盧生賦病梨
送目嶺雲行片片歸心池藻夢萋萋旅遊換得頭毛落何待前林杜宇啼

生見炎天徙日圭歡悰
閒緒想多嗟被中誦賦知
群齷臆外名譚有曙雞
好友關心頻送喜癡姬
多事却偷啼似聞橋畔
君平卜漸向晴秋起杖藜

劉尚書祭詞

祭詞字敬仲曲周人萬曆丙辰進士除戶部主事改吏部歷僭勳郎中出
爲山東參政歷布政入爲光祿寺卿順天府尹拜戶部右侍郎以工部尚
書總理河道運道潰淤起宿遷至徐別鑿新河分黃水注其中以通漕三
年積用弗成下獄論死崇禎戊寅獄未解而卒敬仲爲人淹雅讀書好古
敦篤友誼河漕之任本非所長門客游士劓挽黃之議耗沒金錢敬仲用
是坐罪父子俱斃用違其才良可痛也敬仲爲詩用意冲遠自謂迥出時
流德州盧德水篤好而深解之句詮字注以爲獨絕唐人之鑄賈島宋人
之宗涪州無以過也余在請室與敬仲游處踰年敬仲取往復次韵之作
題爲一集名曰錢劉唱和詩以詒德水又屬余爲敘其全集敬仲生長北
方而不習北食嗅蔥蒜之氣輒喀嘔不止詩操南音不類河北儻父亦可
異也

怨詞

吐心在君掌有何不可見妾持此一心久已荷君盼君心不向妾掌自背
君面在君反掌間在妾千古怨

家兄至

兄弟半年別相尋屢夢寐書言春當來且莫勞占計馬足已到門遠盼猶
天際宜權不暇懼交零涕與泗鬚髮似曩時齒缺聲音異喟然感歲華寧
復堪遠離

病中雜詩

種蔬聊學圃斷酒欲爲僧抱病官如葉資身杖倚藤通宵千里夢四壁一
篝燈念友增予愧言歸尚未能

寄懷張聖標金吾

誰將空谷貯閒身念子悠悠白髮新調募累年兵愈弱徵輸滿地國方貧
可能高臥吟梁父仍恐私憂累杞人若問近來朋友事依然騎馬踏京塵

憑欄

高樓秋氣正蕭森罷酒憑欄且獨吟何處吹簫催暮雨有人孤策倚荒林
癖如米芾差存石懶似嵇康并廢琴早已投閒吾計得人山何必更求添

甲子除夕

雙鬢蕭蕭城一吐自斟酒倍躊躇
星霜遇景悲時邁身世閒愁集歲除
久已逃名安薜荔漸看偶語禁詩書
清溪何處桃花渡欲向花源深處居

寄懷聶章羽

惆悵天邊一鴈遙
淞風獨立影蕭蕭
生平畏事思緘口
近復貪眠懶折腰
悔不當年安鄙賤
却憐坐老愧漁樵
歲寒倍憶丘樊好
羨爾身名共寂寥

有感

自信何勞與物爭
相憐寧暇不平鳴
多愁每羨人能醉
萬事今看夢早驚
捫舌藏身消永日
隨心曝背倚前楹
靜幽亦有山居意
却悔人間齊姓名

請室病中詠懷

孤燈悄悄髮皤皤
嚴柝聲中學養疴
不盡愁思供伏枕
將殘歲月付流波
桐歸甕下能餘幾
鶴到籠開傷已多
料理微生無著處
欲將因地問維摩

坐王氏園亭作

秋向郊原靜處尋
古塙園遶萼門深
迂迴窈窕層苔路
青紫丹黃千樹林
風定小池開竹影
日中高榭合藤陰
孤琴更在西隣北
遙領清商識隱心

閩詞

開簾小坐怯風涼新月如鈎隱畫廊夜久不聞深院語到人惟有落花香

姚叟士奔

士奔字叔祥海鹽人與里人胡震亨李軾同學以舉博相尚蒐討秦漢以來遺文祕簡撰祕冊彙函若干卷跋尾各爲考據具有原委馮開之爲南祭酒較刻南北譜史多出叔祥之手李軾舉鄉書官州守而叔祥以書生窮老晚歲數過余年將九十矣劇談至分夜不寐兵興後窮餓以死叔祥有詩集四卷李軾論之以爲其于唐詩能以變爲復不隨人腳跟生活而
其自敘則曰念樂寫境才不副音口憤越聲句必杜撰蓋亦有意振奇不屑爲時調者也

原州夜哭

壬辰固原州七月九日夜悲風挾奇響飄蕭繞官舍始聞嗚呼嗚答和幽鳴乍陡如天哭傾萬聲向耳瀉能令旱雷涕足使壯心怕須臾傳鼓急靈州敗軍下甲騎五千人一戰死寧夏更爲側耳聽秦聲屬垣榭推胸亂更點跳地動兵架極痛遠糗糊情語雜號啞父傷老莫終妻悲我空嫁兄弟

相悲吟手足安所借別有兒女啼似將總督罵罵絕聲更哀雞鳴不肯罷
明日邊騎來捷書覆黃吧

帆影閣爲僧照淵作

芹席出林杪驚碍閣樹枝劃空爭鳥疾抱水受風遲却認此身住翻看彼
啼移欲分衣上冷交臂短牕時

周綺生移居

籬落借春城盤紆覓路生瓶花猶舊蝶鄰樹喚新鶯粉院宜妝好虛牕叶
句清尋常門外艸一倍攪人情

送郁文茂赴新寧州幕

佩刀曾說夢中懸南趨邕州下瀨船秦吉了能傳訟語那投猺肯納官錢
荔房摘供溥紅露榕樹排衙添綠天蠻幕有時趨大府媿隅應和郝生篇
沈先輩德符

德符字景倩嘉興人故太史自邠之子也自王李之學盛行吳越間學者
拾其殘藩相戒不讀唐以後書而景倩獨近搜博覽其於兩宋以來史乘
別集故家舊事往往能敷陳其本末疏通其端緒家世仕宦習聞國家故

事且及見嘉靖以來名人獻老講求掌故網羅放失將勒成一家之言以上史館惜其有志而未逮也其論詩宗尚皮陸及陸放翁與同時鍾譚之流聲氣歛合而格調迥別不爲苟同年四十始上春官累舉不得第而死

夏日省農二首

野糞俚偏競唧春靜不譁黍贏憤釀肆禾早妒隣家廬樣偷蝸小籬身趁竹斜來辰知不雨日脚剩紅霞
編筐聊成逕剝楊便割鄰方言
谷客戶要略頌齊民并露糜難及畦晴屨
易塵清時耕鑿事未敢讓他人

初夏卽事三首

四序推佳候勝春正夏初名香通靜境安步薄高車賺蝶花藏帳驚蠅枕
墮書茶烟兼墨氣映帶院涼餘
吹免東皇佳春過景倍齊人爭譽綠樹酒各赴黃鸝棋盞翻湯萍針稠飽
雨畦久諳歸計穩枉殺杜鵑啼
晴覺人情豫暄於物態宜燕來他壘惑蜂出一邨知笋蕨捐糜後鶯花謝
事時優絜應有喜聞已擬蒲葵

永平

蜂蠶雖微毒尾存妖氛左輔尚游魂童謠已應臨瓜步兒戲何煩勞棘門
清野後時姑避地量沙難飽又移屯杞憂倍念昌平鎮弓劍先朝列寢園

秋日家林

繞林行藥挈軍持小插秋花寄遠思謀醉得愁同節飲逐貧無效錯尤詩
才頑未判陶弘景癡黠平分顧愷之青舸畫橋黃葉寺又勞谿友釣緝隨

朱天倩新居二首

藥欄一色到還疑稍益蘭蓀茂菜蔬樓徙全家勞燕子門停誤馬吠猶兒
花繁鄰院春無禁燈徹深幃月有私北里誌成重閣筆記來坊曲倘參差
枇杷花下綺牕開眉史前頭貯麝煤錦綆重沾棄脂水畫奩先就避風臺
敲籠戲惹春禽罵下箔教迷暝燕回坐對清溪應借問小姑何日肯爲媒

杪秋閱稼三首

孤學違時路每窮敢因智叟笑愚公生天孟顛元難佛早世終軍未免童
老去計應依馬磨寒來辭又祝牛宮農場新滌漁菴舊匡坐斜陽說歲功
雨晴難準未忘情芒屨無營但閱畊鷗夢一生多在水鴈裝千里不羈城

貴人謾作揚州歎，老婢空傳洛下聲。禮數雖殊賓主洽，園翁野袖盛逢迎。
飲啄無多但任真，山庖野榼解相親。濁清瀟澗俱中聖，農圃兼營是小人。
議艮未捐何氏累，食鮭粗救庾郎貧。望秋欲羨黃蒲柳，錯把芭蕉喻此身。
錢受之學士新納河東若，作志喜詩四律索和本韻。

入望明河清且悠，問津端合唱無愁。重閨是艸堪蠲忿，曲沼何花不竝頭。
京兆臺曾傳拊馬，驪山殿亦誓牽牛。劉綱婦更呈新枝，弱水洋中蕩蔡舟。
漫擬雙鴛與匹鴛，親承十里逆風香。郎迎古渡仍王楙，女瞰東鄰卽宋墻。
蔽芾賜名端正樹，鬱金新署合歡堂。韋蟾後乘能同載，無待飛花續武昌。
何來烏爪蔡經家，狡獪人間歲未賒。唾受紺來頻展袖，淚凝紅處恰登車。
迴文詩就重題錦，無縫衣成自剪霞。贈內偶拈相謔句，始憐芍藥異凡花。
濯濯新姿帶月深，便移輕舸就濃陰。蕃釐花徙瓊無種，獨國琴挑曲有心。
展罷縹緗存粉指，拈來絲竹廢清音。子皮自挈夷光去，爲謝君王與鑄金。

王秀才留

留字亦房，伯穀之少子也。年十五游金陵，作舊京篇，父客皆歎異，以爲文
考復出伯穀沒後，不得意于文。戰隸力爲歌詩，曲周劉敬仲、南陽馬仲良。

最相矜重仲良之持論欲爲調人於李何袁鍾之間以才情風調自樹赤
幟而獨深推亦房以爲狎主齊盟無兩子也仲良亦房相繼卒年皆未四
十亦房之生也晚未能傳習其家學而又浸淫於時調橫從跌宕於先人
之矩矱遂將偈而去之其詩有曰竹爲槐羽翼衣作扇仇讐又曰暑令天
不韻酒作夜常規又曰樹將風太暈烟與月何仇又曰溫退虫多口涼多
鳥子身則不獨謂之詩魔且轉入惡道中矣余錄其聲調之俊逸者才得
數首使知者以爲伯穀之收子而無使不知者以爲近時之濛帥也亦房
之妹姁文震亨字啓美待詔之曾孫閣學文起之弟也風姿韻秀詩畫咸
有家風爲中書舍人給事武英殿先帝製頌琴二千張命啓美爲之名又
令監造御屏圖九邊阨塞皆有賞賚踰年請告歸遇亂而卒

長安秋草篇小引

吳市畸人燕都逐客南冠寄食西第傭書已傷颯颯三秋更苦奄奄一病
繁華耀日難依桃李之榮亂葉吟風空逐梗萍之困覩茲衰艸倍觸羈懷
爰托篇章聊鳴感憤

春光一夜到皇都細草茸茸茁九衢綠作酒茵花底布青爲舞席樹邊鋪

纔發園林又離落已徧郊墟及城郭微寒微煖日融融不雨不晴烟漠漠
別有輕風拂面來似教著意一時裁初生墻角那輪柳漸長堦前不辨苔
初生漸長春亡賴顏色雖同異根蒂已效虞兮號美人還隨鄭氏名書帶
從他曲徑與平堤百里春城一望齊纔將乳燕呢喃舌添向名駒蹀躞蹄
長長短短紛如許何處冶遊無笑語醉時枕藉任王孫鬪處追尋憐士女
水邊林下偶潛窺正在名園逐隊嬉羅袖低籠藏不見翠鈿輕落隱難知
風來枝葉交相亞亦有幽花自開謝根輒偏宜踟躕塲堊柔不耐鞦韆架
別生一種深宮裡宮樹宮雲貴相比內庭嘗映小娥裙馳道曾承至尊履
更有春期暗裡潛和泥印出鳳鞋尖行雲祗恐朝將化多露寧愁夜欲霑
一春將盡封姨惡艸頭紅日渾如錯已當二月三月餘漸見桃花李花落
落花無數隨泥淖時過難干艸相較蝶翅初依簾幕間蛙聲偏向池塘開
長夏猶然好時節一到涼天有分別纔經秋雨便離披更入秋風易銷折
秋雨秋風打復吹秋風蕭索一庭悲江州司馬衫都溼金谷姬人髮乍披
輕雲蔽天寒意動遂有微痛忍相送泥深張徑晝無人水落謝池宵不夢
道傍籬下總歲蕤欲直還畝力不支恍類名花初睡後祗疑弱柳乍眠時

如綿似雪昔相視半死全枯有誰認颯颯無緣入織手蕭蕭祇合隨衰髮
背霜幾種人留得憔悴無過遲頃刻腐時不若化流螢死後可憐同促織
紛紛傍听復臨流客到寒郊不肖留拾翠已忘前度樂踏青誰記昔時遊
遠目何堪立高壘但有枯荻目前壘青處難尋學士湖白邊錯認明妃塚
此時豪華游獵客蹂躪何曾少憐惜犬鷹空說有精神狐兔自然無窟宅
莫怪山童不管取天心催折人無主鳥從雪下啄還悲憤過霜前啣尤苦
北風射人寒益峭漫向空原總煖炤斧斤但許給山樵烟火只堪供野燒
獨有天涯作羈旅幾回欲削還延佇忍教落葉無棲泊任取飛蓬多伴侶
也知人世自無情此艸雖枯旋復榮待得春風吹到處蓁菜重向日邊生

送費元朗下第歸構李

淪落雖然憤羈愁一倍新欲志難遣事但較不歸人凍水藏河面乾沙擁
樹身酒家經漸熟應笑往來頻

簡劉二若生

面交終日自爲群同在長安晚識君消散名心真沃雪輕狂癡夢假行雲
潔杯劇飲因花醉角枕微寒與妓分不是夜深私語密遙天新鴈豈堪聞

送劉大其奇歸豫章約子同行不果

留滯空憐客計窮，舟行未必與君同。汀蘆正密喜新鴈，田艸將衰愁亂虫。
蠶夜有懷翻避月，長年無力但需風。遙知詩句偶成處，多在小邨燈火中。

初冬客懷

傍澗誅茆十畝宮，主人閒卽往山中。藥苗飽雨分畦綠，楓葉酣霜合塲紅。
半夜樵歌寒趁月，六時僧磬響因風。如今徙倚都門望，凍草僵沙是處同。

玉河橋同張賓王諸子送張韞之出塞

御苑疎楊綠淺深，酒酣方爾作長吟。塞鴻將入有寒氣，邊馬欲歸多苦心。
巾幗將軍文士習，蜚弧子弟虜人音。長安日色連朝淡，那得關山午不陰。

送呂巨源明府之上海令子嘗同事棘圍

嚴寒難怪馬身僵，候令披衣敢避霜。驛舍孤燈強半黑，邨園殘葉不多黃。
海魚來往乘潮汐，巢鳥高低識雨暘。到日好憑官閣望，颯風吹過疾帆檣。

訪太乙邨居

籬壁皆香氣，寒梅深復深。預愁花落後，門徑亦難尋。春雨又將至，暮山俱
已陰。別時聞谷響，應和主人吟。

文舍人震亨

秣陵竹枝詞四首

據床開印翠微間，朝請全稀退食便。呵殿也堪成韻致，此中官府又神仙。
尚食宮監住直廬，退閣丞相府中居。貂璫一樣中常侍，三日湖頭打飯魚。
留都中貴居惟庸故府，每歲於玄武湖中牧鴨打魚三日名飯魚。

同姓編氓異姓侯，上公出不辟行騶。諸曹未識勳臣貴，每到朝陵壓上頭。
秦淮冬盡不堪觀，桃葉官舟閣淺灘。一夜渡頭春水到，家家重漆赤欄干。
董秀才斯張

斯張字遐周，歸安人。故宗伯份之孫也。少負雋才，爲同里吳允兆所許。長
與吳門王亦房賡唱善病藥盃不去口，喀喀嘔血猶伏床。枕昔年未四十
而卒。撰《廣博物志》四十卷。

絕命詞四首 甲寅病中自志

十年浪跡五湖涯，歷落蓬門白恰斜。巴蜀杜鵑新帝鳥，洛陽魏紫舊妃花。
無情出岫雲成我，到處飄萍雪是家。客夢蕭然關塞遠，西園擲否綠沉瓜。
武帝在西園中，開任彥升計擲瓜，悲不自勝。

寒風感栗怒天吳俠客精魂未便枯
旱母也知東海拳鉅靈翻借北山愚
錢塘石上三生句仙掌臺中六甲符
前度劉郎貧似我無勞野鬼共挪榆
風雨龍門一敞廬山心寂寂草玄餘
誰人狐假連山易有客螢爭汲篆書
結夏僧招俱惠遠悲秋賦早似相如
鴛鴦瓦上霜侵骨獨夜空樓氣不除
紙上曇花偶自枯烟青石葉夜爐添
谷神語合猶成綺谿到名留未是廉
好客從來龍作畫獻公何意虎爲鹽
可憐眉目皆齊楚徙倚風前想蜀嚴

病足甚劇寄沈千秋二首

每到秋關脚疾增若除坐臥百難能
因思粉署蕭蕭客也做繩床兀兀僧
攢影三年傷未死神遊千古慰無朋
誰嫌濟勝全非分畫舫西湖好共登
潦倒支離問幾春書能左腕却疑神
三都肯讓一僧父四海猶餘兩半人
醫到兼須謀我病饑來何敢後君貧
傳聞酒戶殊勝昔虬漏將殘大白頻

于太學嘉

嘉字惠生一字蕤甫金壇人家世仕宦
以高才困于鎖院遂棄去肆力爲
詩苦愛溫李皮陸諸家字撫句鏗志
失寢食妙解聲樂畜妓曰弱雲色蕤
俱絕晚而弃去忽忽不樂詩句留連
每有楊枝別樂天之歎卒時年七十

二惠生晚交于余嘗以長箋見投極論本朝詩文逸慕弇州近師臨川余有書再三往復惠生報曰願以餘年樞衣函丈究明此事其通懷擇善如此喪亂之後兩家書尺皆付燬燼錄其詩爲三歎焉

昆陵道中小述

是非滿天下續紛那可摠仁義用竊侯詩禮持發冢儒服交國中誰能禡
偽冗慕古事書傳奇節取自奉養生單子愚知死爾君勇歷落常歎嗤何
以奸世寵網贈充蹊隧一身蟄如蛹浮屠却華妍畏壘居擁腫託寄厭龐
雜山川故洪洞息黥願遊蕩悲則終適踊日月挾我馳庭木忽成拱雄骨
徒稜稜壯稜行種種智士感石妖道人塞水涌忠信且得罪余心從茲恐
奉懷錢宗伯受之海上

東望疊頰霞有山虞吐翠天和丙舍遊日穰庚居遂俗嶂壘文河拓由靈
掌負關龍感狩麟金版徙穿地羹熱雉膏登羞寒雞肋棄媼媯鬪弄姿定
鏡精裁僞著錄布如雲何人丹漆器玄風白馬談紫氣青牛誌食疏仰瑄
廚先須徵餅字膺門詎可階通好時交屣雙阮秀參筠兩宗香品筭風傾
何若心烟液終申誓

旅興

莫奏思歸引，羈情不可當。
翻書飛溼墨，彈劍落秋光。
宿雨殘長雷，新寒起夜堂。
獨憐遊子鬢，經復點吳霜。

哭馮開之先生孤山殯宮二首

玉樹承無恙，書來月甫更。
鶴傳君子化，鵬告主人行。
夜壑誰移棹，寒堂獨斲楹。
西州門下路，一過一吞聲。

橋李距錢塘，盈盈一水望。
暫歸歸魄久，短別別魂長。
談屑凋賓座，歌塵冷妓堂。
孤山新築堊，明月弔虛廊。

噢敘

興寄隨年短，尸居度日長。
廚供大阮酒，爐炷小宗香。
倦涉英雄記，勤披服食方。
敝精玄尚白，凋幹紫移黃。
我我周旋久，人人姍笑常。
月眉憐謝妓，風貌憶何郎。
濺墨凝書案，浮煤剝畫梁。
狐驕塞幔戲，鼠暴齧帟猖。
望古矜遙集，當今薄退藏。
逢時趨北闕，避世向東牆。
彈事珠蜂起，陳情甚蟻忙。
良弓愁鳥盡，曲木感禽傷。
名寔非佳境，閑虛是勝場。
客謂吳子夜，婢讀魯靈光。
問法乖禪榻，傳經背禮堂。
風霜淒晏序，月露媚春王。
曳屐規升岳，懸帆欲

弔湘試圖行障上羸行臥遊強

丁卯春日泊吳趨偶登逆旅小樓望嘯碧堂有感三首

誰道雍門樂召哀薛公結涕望高臺
庭移鐘鼓人皆散悲轉幡旗客不來
一
瑋瑋坤簾空拒燕珊瑚架筆任棲埃
荒池萍面風吹破逗照前裙半影迴
積景容將遠緝牽陶朱應復作神仙
茂陵益出人間貴苞穴書留物外全
藥佐三關難合煉薪供五突易分烟
紅燭滅金徽冷腸斷文姬第幾絃
碧瓦黏雲學翠微鶯花猶是綺筵非
誰停暗珮朝蛾斂賸射明璫夜蠟肥
蓄水玷臺須得住藏山環堵尚愁飛
香衢火浣成帷立轉憶當時著敝衣

寓贈海虞錢受之宗伯

鸞翮歸栖海嶠雲吉占無事叩靈氛
昔年對我談三史今日容人詠五君
那得告緡牽盍冊詎宜上變及空文
時清不問東山臥政屬關河羽檄紛

寄懷婦弟荆大徹時治兵京口

塵筆狼石睨英雄俊辯俄生萬壑風
還記臥龍憐小姊獨來床下拜龐公

秋閨

失計翻爲蕩子妻于愁壓得兩眉低
紅闌燈暗沉孤影明月清霜滿磧西

王廣文彥泓

彥泓字次回金壇人恭簡公樵之諸孫也以歲貢爲華亭訓導卒於官博學好古與其叔叔聞爲同志詩多豔體格調似韓致光他作無聞焉

對花雜慟

瓊香一片委輕埃猶憶春時傍砌開腸斷江南陳叔寶麗華身後却歸來

夕秀詞

尺六腰肢上掌擎歛錢年紀占歌名調笙恰喜銅簧脆掃黛唯憐螭帶輕羞出畫屏推阿姊笑鄴羅扇覩狂生可能鬢攏釵梁後還向迷藏舊處行

賓于席上徐霞話舊

重見徐娘未老時蕙蘭心性玉風姿不忘杜牧尋春約猶誦元稹紀事詩時世妝梳濃淡改兒郎情境淺深知棲鸞會上桐花樹舉眼詳看一穩枝

雜題上元竹枝詞三首

繡佛前頭結好因上元香火肅凌晨懸幃一色燈籠錦名氏親書善女人風雨元宵意倍傷畫檐低拜掃晴娘若教掃得天邊雨爲掃離人泪兩行腰身十七正嬌慵珠鳳鞋幫一捻紅不奈小橋春露滑阿娘扶過石欄東

个六二首

恨恨清光不共遊，眼波肌雪正宜秋。
桐花落處閒開鎖，柿葉明時見倚樓。
幾度扇迴當面笑，可應燈照下帷羞。
無邊如恨憎情眼，行過簾前莫轉頭。
睡破眉山不更描，鬢鴉堆上覆絞綃。
屏間記曲拈紅豆，臆下臨書添綠蕉。
畫出鴛鴦娛獨自，教成鸚鵡伴無聊。
情悰暗被傍人覺，繡線逢春減幾條。

生辰曲

畫檐鵲響報新晴，鬢絲初織玉葉成。
繡佛像前同下拜，泥金經尾獨僉名。
蛛絲鏡鏡知添喜，鴿羽開籠看放生。
笑說口脂休更贈，十年年減是鸚鵡。

續游

嚴城間阻夢魂通，小市門東更向東。
剪燭寄聲書草草，背燈彈泪去匆匆。
花繁竹暗應迷路，蝶趁鶯梢有便風。
梅蕊膽瓶看漸減，每朝分插到釵茸。

病訊

繡被新鴛剩半床，怕拈卮酒怕聞香。
能瘳別恨無靈藥，願駐華姿有禁方。
肯冷乍溫教女弟，面痕輕舐待蕭郎。
懸知坐起新粧淡，另有葵花似嫩黃。

代書三首

剪冰裁雪藐姑仙綽約還同未嫁年誰信探珠須赤水只知生玉自藍田
門明可愛人如月漠漠難尋路隔烟唯有細吟還暗想日將心眼待嫣然
隨意梳頭與著衣橫看側視總相宜瑤釵巧賽三年葉黛筆重翻十樣眉
通國針神俱受譜閒繡佛自抽絲珊珊弱骨驚鴻影最想麝能答拜時
憶昔騎羊弄玉年曳娘衣袂繞娘肩當時語笑渾閒事向後思量盡可憐
石竹怯寒秋已瘦瓊花依月晚尤妍忍教悵望重簾外不報監門不敢前
鄰女有自經者不曉何因而里媪述其光豔皎潔閱日不變且以
中夜起自結束選綵而衣配花而戴于縮髻塗妝膏唇耀首以至
約緜迫袂皆著意精好盡態極妍而始畢命焉其所懸之帶以潤
州朱絲數百條長九尺許爲十股細辮手自盤製逾月甫成同伴
以爲纒腰物也而不知其用意至此爲詩以弔之

明姿靚服嚴妝乍垂手亭亭儼圖畫女伴當牕喚不磨還疑背面鞦韆下
嬌癡小妹忽驚啼懊惱春宵睡似泥何刻停燈開鈿匣幾時響鞦韆度樓梯
肌膚到此真冰雪顏玉俄俄扶不得素頸何曾著鬢痕却教友縛同心結
紅絲交結爲誰容約髻安花次第工應愛自看妝鏡裡豈須人見影堂中

千春不改凝酥面媚眼微舒若流盼侯娘怨句鬼先知玉兒艷質人猶羨
當時犀麝定沉埋繡鞵何人拾馬嵬乞取卿家謂劉通通替樣許盛銀液看
千回萬轉千回負此生枉將偷嫁占虛名古樂府云惟加劉周郎已誤難
重顧哭殺尉東阮步兵

潘秀才一桂

一桂字無隱一字木公吳江人年未三十有賦數十篇卜居京口覽江山
之勝與友人錢玄密緯以辭賦相鏃礪作東征詩言諸賦爲時所稱東游
秦山謁孔林作東游詩南陽朱邸好辭賦延招四方賓客起高明樓擬於
鴈池兔園幣聘再至乃往授簡賦詩雍容應教有趙康王禮謝榛鄭若庸
之遺風焉居留一月謝不能曳裾王門稱疾辭歸取道襄陽禮玄嶽經黃
鶴樓浩然東歸未幾病卒年四十有五無隱詩多弘麗今集爲史弱翁所
定多取其膚立者賦則爲西極文太青所推太青以楊馬自負目無一世
見無隱諸賦曰我心折氣澀矣無隱之可傳者其在斯乎

送錢受之宮詹北上

垂拱開三極除殘正六符袞衣光有赫玉璫德無渝尺木階天澤鋒車躡

斗樞彤雲明紫氣芝簡築黃圖禮樂文千古剛柔望萬夫善宜居帝右聖
不廢臣吁動靜天人合明良殿陛孚璇霄高太乙玉燭麗金鋪岳牧存開
濟江靈候步趨此時儀善類自昔仰真儒

舟晚

斜日倚荒洲空江水氣秋邨寒人語靜浦冷客帆收殘角分哀鴈浮嵐漲
遠流往來頻過此媿不是閒游

土堠

風濶日色薄塵生游子顏白楊衰滿道人影不曾閒窮目盡千里過淮無
一山路傍惟土堠殘戍馬蹄間

大店驛

一身隨物役迢遞涉關河草市懸羈勒山風冷餽餼餓鷹寒食去田鼠掠
人過常慕孤游樂今宵涕淚多

冬日二首

數椽茅屋閉寒烟奄有緹縈聚碧箋烟煖竹爐朝兀兀牕明風雪夜娟娟
抱愁歷落彈長鉸語恨分明泣小絃貧瘡須點綴簡書新得務農篇

寂寞江干深寄跡一巢無計拙於鳩
履如東郭笑何病賦似長卿貧不憂
白景驅愁催短髮歸鴻銜夢下寒流
何時小築菟裘地著在蒼山碧水頭

龍潭道中

疊嶂深藏日連峰共隱天小舟如鴈許歷歷下江天

幽人

山色自滿幽人扉疎牕晴日淨暉
暉避人一鳥踏枝去遂有落花無數飛
遙聞姬人作歌

滿溪烟雨白鷗閒莫莫魚罾占一灣
幾縷清歌雲外出吳姬分月蕩舟還

張童子于壘

于壘字凱甫龍溪人友人變字紹和之子也紹和舉鄉榜以方聞受薦舉
號曰徵若童子年七歲賦詩有明月小池平之句年十四紹和攜之入閩
與徐興公諸賢卽席分韻童子倚侍立成四坐閣筆已復侍紹和徧游吳
越三楚所至皆有詩年二十二而歿紹和以文章自命所著詩文集凡數
百卷余驚怖其浩汗不能錄也錄童子詩一首使人知紹和有子如古之
九齡與玄者亦因是以存紹和云

廬山看雲一絕句

溪中一片雲分作千林雨惟聞溪流聲不見溪流處

周隱士如埴

如埴字所諧皆隱士也足跡不出戶庭苦吟不輟未嘗與顯者遊人罕識其面又有陳籙字德音者亦聞隱士徐興公與其孫鴻游得其遺稿如埴詩有風生極浦潮常白霜冷空林草變衰萬里寒山橫積雪半汀衰艸隱斜陽百花潭上魚竿在五柳門前鶴徑荒因嫌城市非吾土却傍漁家作比隣墻壓花枝妨客過泥深苔徑喚人扶籬詩有山深僧餉早天遠鶴歸慵日影沉秋碧松聲響暮山歸心秋轉切遠夢老難成曉寒葉後落竹響雨來時久客依人懶虛名到老休行裝衝片雨歸夢落千山棲鴉驚夜火歸鴈過東樓興公採入詩話中皆可誦也

田家吟

不識市朝車馬喧殘筵弱笠老田園柴門去郭無多路野竹臨流自一邨
春雨桑麻終歲足清時雞犬幾家存兒孫牧畜南山下爲道須防猛虎繁

江仲魚

河其漁

張復亨

林宗大

林光宇

徐興公曰崇安諸生江仲魚有碩人之致武夷諸峰各置筆硯書賦隨意所適有時衣道衣冠道冠儼然羽流也嘗賦秋風懷友吟二十餘首皆道侶漁樵猿鶴之屬風塵之客不與焉年三十而卒建寧何其漁字樵仲爲詩有苦思閭諸生張復亨字陽生林宗大字時中皆好吟詠與余兄弟交驩而皆早卒林光字子真作鴻門宴樂府每自詭不減謝臯羽楊廉夫也負才踈跣病狂易而死曹能始刻其詩一卷吾鄉一時之雋未見其止知之者鮮矣

江仲魚

懷朱漁父

九溪深處似巖灘
渺渺風塵白眼看
桒艇每隨幽嶂出
茅房孤掩落花殘
芙蓉衣上雲千片
楊柳磯頭月一竿
釣罷瓦餅曾共醉
滿身零露不知寒

何其漁

梅口待渡

野曠微風起
白蘋邨居三里若比鄰
江干風冷秋山暮
立盡斜陽無渡人

山下買酒

臨浦漁家傍酒家漁罾掩映酒帘斜探囊恰好供歸客買得黃魚并杏花

張復亨

遊西湖

山翠湖光晝洗扉珠宮縹緲晚鐘微僧尋三竺浴堤過鶴認孤山背水歸
橋影亂分公子棹荷花輕著美人衣繁華不醉飄零客愁聽啼鶉又夕暉
復亨詩如晚晴催積雪殘雨入輕寒雨聲分夜話岸火對秋眠皆五言之
佳者

林宗大

送人尉蜀

百仞高峰入縣門官閒何地不君恩莫將萬里思家淚落盡巴江一夜猿

林光宇

鴻門宴擬謝臯羽

翳雲埋空日色黃一龍一蛇間相將指天有約公莫舞後入者臣先者王
此日鴻門判生死戰場咫尺華筵裡漢王若失我爲禽寶玦無光玉劍起
覆卮壯士怒酒醺芒碭山北愁歸雲一雙玉斗正飛屠漢王問道馳至軍

情詩

春風誰謂暖不入妾空房只向鴛鴦瓦吹露不成霜

陌上桑

乘燭理殘妝涉露持筐出爲慮桑葉稀傷絲不成疋

林隱士春秀

春秀字子實自號雲波性嗜酒耽詩家貧不能取酒有友鄭鐸多良醞日往飲焉醉後酒狂不可禁鄭度其卦造一壺刻雲波二字至則飲之三十年如一日也林詩有壁間寫遍籬花影雲裡崩來水碓聲野老眼經門刻字漁郎親見水沉碑迴巷短垣綠枸杞古塘枯竹立鷓鴣之句徐興公稱之

山居

但住溝西第五邨香秔釀熟少開門家僮祇自爲樵牧徑竹憑他長子孫
雨過曉山泉噪澗花生春菜蝶穿園抱琴客到棠梨下卯酒猶醺藉柳根

徐秀才篤

篤字

曹縣諸生萬曆間與王士胤齊名常郵詩寄先宮保故錄其一

病起

病起茅齋已浹旬，案書狼籍任埋塵。十年事業空雙劍，半世交游復幾人。苔井細陰桐葉墜，荊籬秋雨豆花新。破除孤悶無他計，再洗淵明漉酒巾。

華秀才淑

淑字聞修，無錫人。讀書惠山之下，肆力古學，取古人詩與本朝作者下上。揚扞其詩以清新深婉爲宗。雖問津於時人而能不墮其鬼趣。嘗自敘其序曰：吾不取一時之好，冀千百年後有一人知我千百帙中存其一帙。千百篇中存其一篇，而吾二十餘年心血或藉此一帙一篇以傳。噫，聞修已矣。其所謂一帙一篇者，庶其在是乎。

秋晚琴川舟中

到此耽幽曠，輕舟溯遠空。艸黃山自綠，霜白樹纔紅。漠漠雲銜水，棲棲鳥泊風。浴澗邀夜色，拂火半峰中。

草臣心甫聽雲晚過斷園次心甫韻

殘暉如月尚招尋，同侶夷猶興易淫。荒徑但容逋客往，閒門一任綠烟深。

流鶯人竹移雙影隣樹過墻落半陰剩有微情委空觀共君吟眺亦無心
春日雜憶

高樓銀燭夜歡殘一曲琵琶月下彈拍遍絃聲人莫會自將紅袖障春寒
堤月聽蘇姬樓上理曲

晚粧燈火炤樓新重奏妍詞唱未勻遮莫簾空屏已闔隔牆猶有聽歌人

徐道士穎

穎字渭友改字巢友海鹽人爲諸生以註誤逃于僧自楚歸入茅山爲道士久之復出游江南燕雜間好談兵以徐鴻客姚榮靖自許兵後入閩粵不知所終洞庭葛震甫稱其詩曰不多作不苟作不爲應酬之作

巫山高

黃金糞牛裂西土碧釵十二驚折股巴猿三咽弔瑤姬行人淚續襄王雨
斲黃蘗製爲篙蜀江苦巫山高

見落花

流景忽西靡芳樹春易遷落花與白髮不得相周旋持此汲汲心詎敢戀
百年陳酒開古書其人已如烟逝者勿復見但爲飲者憐

方正學先生墓

赤鳳巢焚尚覆雛一杯翻荷至恩殊冶城無鍊鑄肝膽石甃何人藏髮膚
信史直須求草野鴟皮幸不殉江湖空憐粉壁多生氣難繪當年負皋圖

西嶽

汝地蓮花在多年玉井漚黃河西有影雲棧四無隣冰窟難成水楓香漸
化人夕陽不易落間立數三秦

塞下曲

枯楊磧裡久無春盜得黃羊是漢人駱馬馱金輪塞盡不知何物鑄功臣

貧士行

白蒿青柘頽垣中三日烟爨始得紅故書簌簌委鼠向夕託宿如鵝籠
濁醪難賒值蠶月歸來西市瓶罍空咄嗟枳花且多實井底蕙草無春風

廖秀才孔說

孔說字傅生先世爲衡州人從父宦陪京遂爲應天諸生博學強記爲詩
不經意輕儁自喜澆囊策蹇日游谿山間山僧道流無不相識問以京雒
貴人都不記也每入城過酒人及好事家酣飲賦詩不數日輒厭去居山

中不數日又復來以此爲常海昌許同生棄官隱華陽招孔說偕隱常住
依焉愛所澤龍泉之勝卒死其間少踞地縱酒晚年戒酒持律臨終持佛號
而絕死後人或見之於茅山柏枝左右以爲尸解不死云

贈友

甌粟猶堪煮經時可閉關老愁看落葉貧不厭青山薄望酬秋水孤燈管
夜閒籜冠文有意爲稱鸞邊斑

同一公過玉浪師唐墓處

玉公持此義達谷報恩機泮院三年影荒園一木扉懸燈梅雨夕鳴磬麥
風微昔日親栽樹今將宿草圍

客至

不向紅塵去閒眠日幾回餘花山槿落小卉海棠開制解僧初出涼生客
漸來共言西澗水經夏起枯埃

懷匡廬二首

九疊晴巒好掩扉泉聲處處抱斜暉高牕樹影澄江小遠岫人蹤雪寺微
溪淨飲猿連臂下松深巢鶴掠衣飛荒涼石逕空延佇逋客而今歸未歸

閒說幽蹊靜者多石門景物近如何春茶雨後猿猱猶晚食風前鳥雀過
楚客斷筇留碯石吳僧破笠掛巖阿遠公已去憇公往惆悵生亭長薜蘿

采藥

采藥秋山萬木疎霜吹瘦骨倦鋤餘雲多忽訝寒峰失僧少常逢古屋虛
扣石杖聲驚睡鹿臨溪笠影亂遊魚翠微十里無人到時過巷西聞讀書

山中

山中野菜不須錢紫笋黃精滿路邊自古採薇皆可飽況能服朮亦成仙
挑盈籃子歸來緩枕著鋤頭到處眠況有雪花稱美味未勞種植過年年

雨中九日

拄杖從教倚壁間艸堂竹牖亦開顏有期勝侶衝風至無限遊人載酒還
對雨且看籬下菊閉門自見意中山年年南郭登臨厭放得今朝一節閒

中酒思河魚膾

曉鷺枕上賣花聲宿酒掀騰尚未寧但起改詩臨硯坐不能著屐向街行
河魚正美因思膾好友誰來共解醒梅柳韶光真可愛莫辜鐘鼓報新晴

秋鶯

嗒秋老曙河斜嫩翅輕塵漫露華黃葉誤求空谷丹鳳處
上陽花
漢漢逢歸燕楊柳蕭蕭伴暮鴉珠箔玉樓絃管日金衣
律呂尚天涯

山後田家

流水流烟繞竹門寒花寒鳥異孤邨籬中宿莽冬猶綠湖上
明雲夜不昏
射鴨野塘情復喜烹雞茆舍酒重溫蹊間路熟無妨醉殘
雲依稀似月痕
雨中送春二首

迢遙烟驛欲何之地角天涯總別離霧溼提壺催祖道烟寒
杜宇促歸期
徘徊柳岸鞦韆處惆悵蘭香祓禊時此約再來須隔歲潘郎
那不髮如絲
綠陰和水艸和烟今夕明朝頓爽然才到棟花飄暮雨已看
榕葉似秋天
乍添吟髮剛三月暗減閨心又一年不信古人癡似我曉鐘
欲盡轉難眠
和俞容自遊仙詩二首

白鶴珠宮寫洞章玉爐無火自騰香道人懸熟深庭月眉裡
經聲誦自長
仙夢春愁兩人徵人間天上似還非一時青帝收花去龍尾
瀾瀾送雨歸
華陽雜韻

林間風靄日氤氳乍露孤峰半未分一夜雷聲在山下始知
身出萬重雲

酒家同彥先何事留春

苦說傷春選餞春夜深啼鳥對沾巾綠陰邨酒城南肆同是尊前白髮人

與一然聽鐘

寥寥相對一燈明數盡遙鐘百八聲題向山堂成故事他年却好話平生

聞鐘

華陽百里一孤鐘地濶天空山萬重颺香烟霜悠颺月依微隨鶴繞三峰

病

纔衲蒲團清病餘焚香三日讀仙書開門紅葉俱吹盡寒水寥寥倚太虛

懷子晝次其韻

花滿揚州月滿橈相尋最苦夢難同悶來細把蕪城賦讀向淒淒暮雨中

重過蘭溪

越上失蹤久未能飄來一葉泊孤僧依然白酒青山夜鶯啼湖上滴野菱

石門

石門酒薄客恣寬誰念霜溪曉被寒偶見隣舟說紅葉五更疎雨夢長干

偶集

陰雨霏霏，酒卮滿堂。紅燭對彈碁，主人先醉。非無意愁，見更關客散時。

不似

秋樹猶啼乳，小鶯秋花亦占海棠。名一般聲艷，堪惆悵。不似春風解管情。

訪道士

露艸烟林，斷客行竹扉。晝掩對高城，道人不愛人天。供消受秋空，鶴一聲。

西湖

水中樹影，樹中山山自無心。水自閒，明月兩堤人，不見小舟獨向斷橋還。

紀居士清

青字竺遠，上元人爲諸生，好爲詩古文，譚言穎絕，不得志於有司，入天台國清寺，投着宿雪堂，爲僧繙閱藏典，力掃宗門，雖天童亦所不與，他無論也。久之游西湖，不耐寂寞，冠巾歸江東，以詩酒遊山水，閒食貧薄遊長安，抵滇廣，年六十餘歸家，卒。子映鍾，善爲歌詩，刻其遺集。余采詩留都紀之。友張文寺出以示余，自徐穎以下五人，皆文寺所論次也。

邊軍謠

邊軍苦邊軍，苦自恨。生身向行伍，月支幾斗倉底粟。一半泥沙不堪煮，聊

將斛贖科差顆粒何曾入空釜官逋私債還未足又見散銀來糴穀揭
瓦償今年瓦盡兼拆屋官司積數爲備荒豈知剗肉先成瘡近聞防守
州賊遁遣丁男行運糧老弱伶仃已不保何況對面拖刀槍婉婉嬌兒未
離母街頭抱鬻供軍裝聞哭聲日震地天遠無路聞君王君不見京師
養兵三十萬有手何曾捻弓箭太倉有米百不愁飽飯且趁拘欄遊

擔夫謠 黔人能歌之予爲之增損其語作謠

擔夫來擔夫來爾何爲者軍當差朝廷養軍爲殺賊遣作擔夫誰愛惜自
從小小被編差老奔忙何覓息祇今丁壯逃亡盡數十殘兵渾瘠黑可
憐風雨雪霜天凍餒龍鍾強鞭迫手搏麥屑淘水餐頭面垢膩懸髮虱高
山大盤坡百盤衣被有穿足無力三三回頭五步愁密箬深林驚虎蹟歸
來洗足未下坡郵馬又報官負過朝亦官負過暮亦官負過貴州與圖手
掌大安用官負如許多太平不肯惜戰士一旦緩急將奈何噫嘻乎一旦
緩急將奈何

病酒

病酒每兩日尋花見幾枝只因無個事不是樂危時

宿不公澗中

小閣久留高士臥，鹿皮夢破石床苔。
半林曙色生巖窟，山鳥不來山雨來。

偶成

布衣蔬食已平平，砌砌堦花也自清。
醉抱竹根如意臥，十年無有唾壺聲。

西湖竹枝詞

墓頭堤上柳株株，才子佳人總姓蘇。
斜倚石欄臨水照，桃花也自愛西湖。

莫春入樓霞山尋張文寺

山氣陰陰出荷鋤，才分瓜子又毵蔬。
倦來芍藥花前臥，帶雨鳴鳩過草廬。

松風閣寄嘿孫天台

幽棲寺裡松風閣，明月懷人紹古苔。
記得萬年深夜話，雨聲欲盡鴈聲來。

偶題

抱鴨癡雞喚不醒，代耕老馬怯泥行。
世間多少難明事，好問西周擊壤生。

陪括蒼太史謁長陵余山客冠門者呵止之頂老卒范陽擅笠入拜自嘲一絕

竹皮紗帽老人頭，高士從來傲冕旒。
曾見院師畫桃老一瓢，如葉倚黃樓。

山中冬日偶題

鎮日無人閉竹扉，階前寒翠上人衣。開門修竹青如束，黃葉風前叫子規。

山中口號

一月林中不裹巾，得錢沽酒未知貧。樵夫相見漫相識，除却青山無故人。

夜行潭上

四更山月吐清輝，人在花林未肯眠。寂寂一峰寒插水，鴈聲飛過放魚船。

有醒

秀才夢破舌捫空，還我浮生半老翁。也與盛朝間點綫，荷衣蕙帶佩松風。

阿那曲

一個虛亭倚翠林，亭前慈孝竹陰深。白雲落盡花同落，半點殘紅無處尋。

枕上聞風

政懶而今成自然，醒來不是聽雞年。霜風一夜寒多少，重理禪衣覆足眠。

徒南白足掩關書了義經春莫過訪喜而贈之

銅雀臺荒墜瓦空，高流磨墨寫圓通。總前括子添清影，捉筆常移一兩弓。

周秀才楷

楷字伯孔湘潭人爲童子卽稱詩鍾伯敬賞之而少自清迥時有佳句爲人負氣嫂罵所如不合年五十死賊中

漁歌

幽思茫茫看江水何處漁歌江上起一疊淒清愁未終幾聲斷續腸相似
南天歸鴈亦悲鳴不到瀟湘無此情

贈穎愚上人

似與師相識非關此一時散花空習氣卓錫露威儀苦行人皆說安心鬼
不知石梁寒瀑夜令我發深悲卽覺神坐石梁上十有二年

自邾返於南陽道中作

誰肯將身試屢艱畏糧三月爲名山猶吾楚咽喉地膏在中原指顧間
碑下夕陽遊子立鶴邊秋水道人閒那知魯國無栖者尚有迷津見往還

宿已公巖

已公巖畔水粼粼樹老雲荒記往因一夜溪聲聽不得遊山真愧住山人

傅秀才汝舟

汝舟字遠度江寧人家世穎國之後隸籍京師幼孤負至性奇崛好古讀

善能知大意矢口辨駁多有別解奸譚絕濟大略矯尾厲角人無以難也
天啓二年河西之役守將羅一桂監軍高廷佐臂高之僕夫永皆死之生
與平湖馬文治武康茅元儀爲位於清溪黃河中祠內各爲祭文奠而哭
之酌酒哀劬感動路人其忠義抑塞如此爲詩皆牛鬼蛇神旁見側出有
啞心集若干卷余惜其偏背大雅未可以傳後也始從文寺所論次錄其
三首

秋來吟

千古英雄奸固自兩稱雄之喻學塘虞死蛇安似龍漢高巧勝人捫足傷
其胸孔子厄相魑微服以蔽躬

楞嚴

誰家牛背與虬髯神物龍飛也自潛兒輩喜看劉項傳呼來月下讀楞嚴
寄天台澹和尚天源

英雄回首只歸僧次第徵心到幾層燒死殺人三昧火拋殘救世十方登
蓮花作伴常隣月貝葉爲餐似飲冰可記絲楊歌舞地當時打馬復飛鷹